

ጾኑሲ ማዶም ዳኪንቴ ጳውሎስ ኪኢቶ ሮሜ ዓጮ ዓሶም ዓይያ ካሮ

ጾኑሲ ማዶም ዳኪንቴ ጳውሎስ ሃያ ኪኢቶ ሮሜ ዓሶም ፃኣፔሢ ሮሜ ዓጮይዳ ዓኣ ሺኢጲያ ማኣሮ ዓሶ ዛጋኒ ዒ ማሊሢሮ ዔያታ ዒዛ ገኢጊ ካፓንዳፕዲኤ። ጳውሎሴኮ ማሊያ ሮሜይዳ ዓኣ ኪሪሰቶሴ ፕሙርቁ ዔኬዘንሢና ዳካ ዎዴ ዴዒ ማዴሰካፓ ዔያታ ዒዛ ማኣዴም ዒሰፔኔ ዓጮ ዴንዳኒኤ፤ ኪሪሰቶሴ ፕሙርቁ ዔኬያ ዛሎ ዒ ዔሬ ባኮና ሃሣ ዔያታ ዎይቲ ናንጋንዳቴያ ናንጋንዳ ጎይያ ፓይዲ ፓይዲ ፃኣፔኔ፤ ጳውሎሴ ዔያቶ ኪኢታኒ ማሌ ባካ ቢያ ሃኖ ኪኢቶይዳ ዓኣኔ።

ጳውሎሴ ሮሜይዳ ዓኣ ኪሪሰቶሴ ፕሙርቁ ዔኬዘንሢም ሳራሢ ሳራሢያና ሃሣ ዔያቶም ዒ ሺኢቃያ ማዒያዎ ዔርዘሢካ ገንፃ ዒዛ ኪኢቶኮ ዓኣፖ ማዔ ባካ፡- «ጾኑሲ ዓሲ ዲሎ ማሂ ዛጋሢ ኪሪሰቶሴ ፕሙርቁቶ ሌሊ ማዔሢ ዬይ ኮዦ ሃይሶ ቃኣላ ኬኤዛኔ፤ ዓይጎሮ ጌዔቴ ኪሪሰቶሴ ፕሙርቃ ዓሲ ጾኑሲ ዲሎ ማሂ ዛጋኔ፤ ናንጊያ ዴንቃንዳኔ» (1:17) ጋዓ ማሊያ ማዔሢ ዒ ዳዎኔ።

ዬካፓ ሃሣ ጳውሎሴ ዬኖ ማሊፃሎ ዳልጊሺ ፃኣፓዎ ዓይሁዴ ዓሶ ማዔቴያ ማዒባኣ ዓሳ ቢያ ጎሜና ዓኣያ ማዔሢሮ ጾኑሲና ዎላ ቡካንዳያ ኮይሳኔ፤ ዓሲ ጾኑሲና ዎላ ቡካኒ ዳንዳዓሢያ ዬሱሰ ኪሪሰቶሴ ፕሙርቁ ዔኬሢና ሌሊኤ፤ ዬኖ ጾኑሲና ዎላ ገኢጊ ቡኪንቶኮ ዓኣፓ ሜሌ ዓኪ ናንጊ ዴንቁሢ ማዔሢ ዒዚ ዳልጊና ኬኤዛኔ። ዒዚ ኬኤዛያ ኪሪሰቶሴ ፕሙርቁ ዔኬ ዓሲ ጾኑሲና ዎላ ኮሺ ናንጋንዳኔ፤ ዬይ ዓሢ ጾኑሲ ዓያኖ ዛሎና ጎሜና ሃይቢናኮ ዎልቆ ዴማፓ ባሺ ኬሰኬኔ፤ ጌዒ ዓይ. 5—8 ሄላንዳኣና ጳውሎሴ ጾኑሲ ዎጎኮ ማሊያና ኪሪሰቶሴ ፕሙርቁ ዔኬ ዓሶ ናንጎይዳ ማዳ ዓያኖ ጌኤዦናኮ ማሊያ ዓይጎታቴያ ዔርዘኔ፤ ዬካፓ ሃሣ ጳውሎሴ፡- «ጾኑሲ ዓሲም ማላ ማሊያ ጋራ ዓይሁድና ዓይሁዴ ማዒባኣ ዓሶና ዎላ ዎይቲ ፔቴ ማዒኒ ዳንዳዓይ?» ጋዓ ዓሶኮ ጾኑጨያ ማሃኒ ሚርጌ ኮዓኔ።

ሃሣ ዓይሁድ ዓሳ ዬሱሴ ፕሙርቁ ዔኩዎዎ ዓቲፃ ጾኑሲ ማሊሢ ማዒያ ዒ ኬኤዛኔ፤ ዓይጎሮ ጌዔቴ ዬያ ጎይያና ዓሲ ቢያ ዬሱሰ ኪሪሰቶሴ ዛሎና ጾኑሲ ፕሪ ዒንጌ ዳቁንቶና ዳቃኒ ዳንዳዓንዳፕዲኤ ጋዓኔ፤ ማዔቶዎ ዓይሁድ ዓሳ ዬሱሴ ፕሙርቁ

ዔካንዳ ዋዴ ሙካንዳሢ ጳውሎስ ጉሙርቃኔ፤ ጋፒንፃ ጳውሎስ ኬኤዛያ ኪሪስቶስ ጉሙርቂ ዔኪ ዋይቲ ናንጎንድቲያ፡ ባሼ ሃሣ ኪሪስቶስ ጉሙርቃ ዓሳ ዋላ ናሹዋና ናንጋንዳጉዲ ኬኤዛኔ፤ ዬያይዳ ዒ ቃሳያ የኦሲም ማዲሢ ዛላንታ ኪሪስቶስ ጉሙርቃ ዓሳ ፔ ዓጮም ገንሣ ዋሊማእ ዔያታ ማዲኒ ኮይሳ ባኮ ሃሣ የኦሲ ዋጎ ዔያታ ማዲ ዋድና ዔያቶም የኦጪሢ ማዒ ሂርጊሻ ባኮ ዛሎ ፓይዲ ፓይዲ ዒ ኬኤዛኔ።

ማፃኣፕላ ዲማ ዲማ ዓርቄ ባኮ

1. ዓይያ ካሮንታ ኬኤዚንታኒያ ማሊንቲ ባኮ (1:1-17)
2. ዓሲ ቢያም ዳቂንታ ኮይሳሢ (1:18—3:20)
3. የኦሲ ዓሲ ዳቂሻ ጎይያ (3:21—4:25)
4. ኪሪስቶስ ዛሎና ጳዳ ዓኪ ናንጊ (5:1—8:39)
5. የኦሲኮ ዒሰራዔኤሌ ዓሰም ዓኣ ማሊያ (9:1—11:36)
6. ኪሪስቶስ ጉሙርቃ ዓሲ ናንጋ ጎይሢ (12:1—15:13)
7. ጋፒንሢ ማሊሢና ሳራሥሢ (15:14—16:27)

¹ ዬሱስ ኪሪስቶስም ማዲያ ማዔ፡ የኦሲ ማዶም ዔኤሊንቲ፡ ኮዡ ሃይሶ ቃኣሎ ኬኤዛኒ ዶኦሪንቲ፡ ጳውሎስይዳፓ ዳኪንቲ ኪኢታ፤

² ሃይ ኮዡ ሃይሶ ቃኣላ የኦሲ ፔ ማሊያ ኬኤዛ ዓሶ ዛሎና ጌኤዡ ማፃኣፕይዳ ቤርታዲ ዒንጌ ሃጊ ማዓንዳ ዋዛ ቃኣሎኬ።

³ ኮዡ ሃይሳ የኦሲ ናዓሢ ዓሲ ማዒ፡ ዳውቲ ዜርፆይዳፓ ሸይንቲሢ ኬኤዛያኬ። ⁴ ዬያጉዲ ሃሣ ጎዳ ዬሱስ ኪሪስቶስ ጌኤዡ ዓያኖ ዛሎና ጴጌፕ ዋልቄና ሃይባፓ ዔቂፆና የኦሲ ናይ ማዔሢ ኬኤዛኔ።

⁵ ዒዛ ዛሎና የኦሲ ማዶም ዳከንቲያ ኑና ማሃኒ ዳንዳዒሳ የኦሲኮ ኮሹዋ ዒንጊያ ኑ ዴንቄኔ፤ ዬያሮ ዒዛ ዛሎና ዓይሁዴ ማዒባኣ ዓሳ ቢያ ኪሪስቶስ ጉሙርቃንዳጉዲና ዒዛም ዓይሢንታንዳጉዲ ኑ ማሃኔ። ⁶ ዒንሢያ ዬሱስ ኪሪስቶስሮ ማዓንዳጉዲ የኦሲ ዔኤሌ ዓሶ ባኣካኬ።

⁷ ዬያሮ ሮሜ ዓጮይዳ ናንጋያ፤ ሃሣ የኦሲ ዒንሢ ናሽኪ፡ ዒዛ ዓሲ ማዓንዳጉዲ ዔኤሌዘንሢም ቢያ፡-

ኑ ዳዲሢ የኦሲና ጎዳ ዬሱስ ኪሪስቶስናኮ ሚጪንቲፆና ኮሹዋና ዒንሢም ማፆም።

ጋላታ ሸኢጲሢ

⁸ ዒንሢኮ የኦሲ ጉሙርቂያ ሃይሳ ዓጮ ቢያይዳ ዋይዚንቲሢሮ ቢያፓ ቤርታሲ ዬሱስ ኪሪስቶስ ዛሎና ዒንሢ ቢያሢ ዛሎሮ ታ የኦዛሢ ታኣኒ ጋላታኔ። ⁹ ቢያ ኬሊ ታ ሸኢቃ ዋድና ዒንሢ ዛሎ

ዋሉዋያ መግደብ ሲዛናክ ዛሎ ኮዥ ሃይሶ ቃኣሎ ኬኤዚ ኬኤዚ ጉቤ ዒናፓ ታ ዒዛም ማዳ ያኦዛሢ ታኦኮ ማርካኬ። 10 ያኦሲ ጌዔቴ ጋፒንፃ ሃሢ ዒንሢ ኮራ ታ ሙካንዳ ጎይሢ ዒ ገኢገሻንዳጉዲ ቢያ ኬሊ ታ ሺኢቃኔ። 11 ዓይጎር ጌዔቴ ዒንሢ ያኦሲ ጉሙርቁያና ደዳንዳጉዲ ማሃ ዓያና ዒንጊያ ታ ዒንሢም ኬኤዚ ኮዓሢር ታ ዒንሢ ዛጋኒ ኮሺ ማላኔ። 12 ዬያ ታ ጋዓሢ ታኣኒ ዒንሢ ጉሙርቁያ ዛሎና ዒንሢያ ታ ጉሙርቁያ ዛሎና ዋሊ ኦ ደዲሻኒ ኮዒኬ።

13 ታ ዒሾንሦ! ታ ሚሾንሦ! ሜሌ ዓይሁዴ ማዒባኣ ዓሶ ታ ዔርዚ ሚርጌ ኪሪሰቶሴ ጉሙርቁ ዓሲ ዴንቄኔ፤ ዬያጉዲ ሃሃ ዒንሢ ባኣኮይዳኣ ታ ዔርዚ ኪሪሰቶሴ ጉሙርቁ ዓሲ ዴንቃኒ ማሌኔ፤ ጋዓንቴ ዒንሢ ባንሢ ሙካኒ ሚርጌና ታ ማሌም ሃኖ ሄላንዳኣና ታኣም ገኢገባኣሢ ዒንሢ ዔራንዳጉዲ ታ ኮዓኔ።

14 ገሪኮ ዓጮ ናንጎና ሙኤጮና ዔራ ዓሶና ዔራዋ ዓሶናም፣ ጨገጮ ዓሶና ቦኣዞ ዓሶናም ኮዥ ሃይሶ ዔርዛንዳያ ታና ኮይሳኔ። 15 ዬያርኬ ዒንሢ፣ ሮሜይዳ ናንጋዞንሢም ኮዥ ሃይሶ ኬኤዚ ታ ኮዓሢ።

ኮዥ ሃይሶ ቃኣሎ ዋልቆ

16 ታኣኒ ኮዥ ሃይሶ ቃኣሎ ኬኤዚ ቦርሲንቴዋሴ፤ ዓይጎር ጌዔቶ ኮዥ ሃይሶ ቃኣላ ቤርታዲ ዓይሁዴ ዓሶ፣ ሄሊሳፆ ዓይሁዴ ማዒባኣ ዓሶ፤ ጌይፃ፡- ጉሙርቁ ዓሶ ቢያ ዳቂሻኒ ዳንደዓ ያኦሲ ዋልቁኬ። 17 ዬይ ኮዥ ሃይሶ ቃኣላ ያኦሲ ዓሲ ዲሎ ማሂ ዛጋሢ ኪሪሰቶሴ ጉሙርቁቶ ሌሊ ማዔሢ ኬኤዛኔ፤ ዓይጎር ጌዔቴ፡- «ያኦሲ ጉሙርቁ ዓሲ ያኦሲ ዲሎ ማሂ ዛጋኔ፤ ናንጊያ ዴንቃንዳኔ» ጌይንቴ ፃኣፒንቴኔ።

ዓሲኮ ፑርቱዋ

18 ዓሳ ፔኤኮ ፑርቱዋና ጎኑዋ ፔጋዲ ዔርቱዋጉዲ ማሃኔ፤ ዬያር ዔያቶኮ ጎዋና ፑርቱዋና ዛሎር ያኦሲኮ ጎሪንታ ጫሪንጫፓ ዔያቶይዳ ሙካንዳኔ። 19 ያኦሲ ዔያቶ ሜቶና ጎራሢ ያኦሲ ዛሎ ዔያታ ዔራኒ ኮይሳ ባኮ ዒ ዔያቶ ፔኤር ዔርዜም ዔያታ ዔራያታሢርኬ። 20 ዓጫ ማኲንቴሢዳፓ ዓርቃፆ ዓሲም ጴዲዋ፣ ያኦሲ ባካ፤ ጌይፃ፡- ናንጊና ናንጋ ዒዛኮ ዋልቆና ያኦሲምና ዒ ማኬ ባኮይዳ ፔጋዲ ጴዴኔ፤ ዬያር ዬኖ ዓሶጉዲ ዔሬፆ ፑርቲሳዞንሢ ቶላኒ ጌሰታንዳ ባኣዚ ባኣሴ። 21 ዓይጎር ጌዔቴ ዔያታ ያኦሲ ዔሬያታፆ ዒዛም ኮይሳ ቦንቾና ጋላታና ዒንገባኣሴ፤ ዬያር ዔያታ ፔኤኮ ማሊያና ፓሡዋ ዓሲ ማዔኔ፤ ሃሃ ጳቂሡዋያ ማዒ ዒና

1:13 1:13 ዳኪ. ማዳ 19:21። 1:16 1:16 ማር. 8:38። 1:17 1:17 ዒምባ. 2:4።

ዔያቶኮ ባይቁኔ፤ 22 ዔያታ «ኑ ጨንጫ ዓሲኬ» ጋዓኔ፤ ታንቴ ዔያታ ዔኤያኬ። 23 ናንጊና ናንጋ ያኦዛሢ ካኦሽኪያ ሃሺ ላኦሚንታያና ባይቃያ ማዔ፥ ዓሲንታ ካፒንታ ቆልሞንታ ሳዓይዳ ዳዲና ሃንታ ባኮ ማሊሲ ማዦና ካኦሽኮ ባኦዚ ዔያታ ካኦሽኪሢ ዓርቁኔ።

24 ዬያሮ ያኦሲ ቦርሲሳ ባኦዚ ዔያታ ማዳንዳጉዲ ዒኢሳ ፑርታ ባኦዚ ኩሜ ዔያቶ ማሊያ ዔያታ ኩንሣንዳጉዲ ዔያቶ ሃሽኔ። 25 ዬይ ያዲ ማዔሢ ያኦሲኮ ጎኑሞ ሉኩዙሞና ዔያታ ላኦሜሢሮ፥ ማዦሢ ዓኦንቴ ማዦንቴ ባኮ ዔያታ ካኦሽኪ፥ ዬያ ባኮም ማዳሢሮኬ፤ ያኦሲ ጋዓንቴ ናንጊና ጋላቴንቴያኬ።

26 ዓሳ ዬያ ማዳሢሮ ያኦሲ ዓሶ ኮይሱሞ ቦርሲሳ ሱኡኬም ዓኦሢ ዒንጌኔ፤ ዔያቶኮ ላኦላታያ ዔርቴ ጎይያጉዲቴሞንቴ ዳሞቤባኦ ጎይሢ ላኦሊና ላሃኔ። 27 ዬያጉዲ ሃሣ ዓቴንቃ ላኦሎና ላሂያ ሃሺ፥ ዎላ ላሃኒ ኮሚና ዓቴንቃ ዓቴንቆና ዎላ ቦርሲሳ ባኦዚ ማዳኔ፤ ዬያሮ ዔያቶኮ ዳቢንቶ ዛሎና ዔያቶም ኮይሳ ሜቶ ፔጊዳ ዔያታ ዔኪ ዬዓንዳኔ።

28 ዓሳ ያኦሲ ዔራኒ ኮሚባኦሢሮ ቦርሲሳ ባኦዚ ማዳንዳጉዲ ያኦሲ ፓሡሞ ማሊሢም ዓኦሢ ዔያቶ ዒንጌኔ። 29 ዬያሮ ጌኔ ማዳ፥ ፑርቱሞ፥ ዲኡዲሞ፥ ኮሜ ዓርቁሢ፥ ቁኒራሞ፥ ዓሲ ዎዲሢ፥ ዑራ፥ ጌሺሢ፥ ፑርታ ማሊሢ ዔያቶይዳ ኩሜኔ፤ 30 ዬያጉዲ ሃሣ ዔያታ ደንካያ፥ ዓሲ ሱንሢ ባይዛያ፥ ያኦሲ ዒያያ፥ ዓሲ ቦሃያ፥ ያቶርቃያ፥ ሄርሺንታያ፥ ፑርታ ባኦዚ ማዳንዳ ጎይሢ ኮዓያ፥ ሸዔ ዓሶም ዓይሢንቴሞያ፥ 31 ጳቂሡሞያ፥ ጌሰቴ ቴኮና ጌኤዙ ካፑሞያ፥ ናሹሞ ባኦያ፥ ሚጨንቴሢያ ባኦ ዓሲኬ። 32 «ዬንሢ ማዳዞንሢም ቢያ ሃይቢ ኮይሳኔ» ጋዓ ያኦሲኮ ዎጎ ዔራያታያ ዬያ ቢያ ዔያታ ማዳኔ፤ ማዳ ሌሊቴሞንቴ ዬያጉዲ ማዳ ዓሶሞ ዔያታ ማዳንዳጉዲ ደዲሻኔ።

2

ያኦሲ ዎጋ ዎጌ

1 ሜሌ ዓሲ ዑሰካ ኮይሱሞ ጎይሢ ዎጋሦ! ኔ ቶኦኪና ኔ ኬኤዚ ቶላንዳ ጎይሢ ኔኤኮ ባኦሢ ዔራ፤ ዎይቴ ጌዔቴ ኔኤኒ ዓሶይዳ ዎጋያታያ ዬይ ኔ ዎጋ ዓሢ ማዳማ ኔ ማዳኔ፤ ዬያሮ ሜሌሢ ዑፃ ኔ ዎጋ ዎደና ኔ ቶኦካ ኔ ዎጋኔ። 2 ዬያ ማዳ ማዳ ዓሶ ዑያይዳ ያኦሲ ዔያቶም ኮይሳ ዎጌ ዎጋንዳሢ ኑ ዔራኔ፤ 3 ሃይ ዓሢ ኔ!

1:21 1:21 ዓፕ. 4:17-18። 1:23 1:23 ላሚ. ዎማ 4:16-18። 2:1 2:1 ማቴ. 7:1፤ ሉቃ. 6:37።

ዬያይዲ ማዳ ዓለ 0-፩ ኔ ዋጋያታዎ፣ ዔያታ ማዳ ባኮ ኔ ማዳያታቲ ያኦሲኮ ዋጋጋ ኔ ቶላንዳያ ኔኤም ማላ? 4 ሃሣ ያኦሲኮ ኮሹሞና ጊቢ ዳንዳዒያናኮ ሚርጊያ ኔ ቦሃ? ያኦሲ ኔኤም ኮሹሞና ማሌሣ ኔና ጎሞይዳፓ ፔ ባንሢ ማሃኒታሢ ኔ ዔሩሞዳዳ? 5 ዓካሪ ኔኤኒ ጎሞ ቡኡያ ዒያያ ማዔሢር ያኦሲኮ ጎሪንቶና ፂሎ ዋጎና ፔጋዳ ዋዶና ሜታ ኔ ጊዳ ሃቸሞ ዲባንዳጉዲ ኔ ማሃኔ። 6 ዓይጎር ጌዔቲ ያኦሲ ፔቲ ፔቲሢሞ ፔኤኮ ማድጉዴያ ዒንጋንዳኔ። 7 ኮሺ ማዶ ደዲ ማዲ ጋላታና ቦንቸና ሃሣ ባይቁዋ ናንጊያ ኮዓዘንሢሞ ናንጊና ጋቸዋ ናንጊ ያኦሲ ዒንጋንዳኔ። 8 ጋዓንቲ ፔኤም ማዓ ባኣዚ ኮዓያ፣ ሃሣ ጎኡሞ ሃሺ ፑርታ ማዳዘንሢዳ ያኦሲፓ ፑርታ ዋጌና ጎሪንቲና ሙካንዳኔ። 9 ፑርታ ማዳ ዓይጎ ዓሲዳ ማያሞ ሜቶና ዋኣዮና ሄላንዳኔ፤ ዬይያ፡- ቤርታዲ ዓይሁዴ ዓሶይዳ ዬካፓ ዓይሁዴ ማዒባኣ ዓሶይዳ ማዓንዳኔ። 10 ጋዓንቲ ዓይሁዴ ዓሲ ማዔቲያ ዓይሁዴ ማዒባኣያታዎ ኮሺ ባኣዚ ማዳ ዓሲም ቢያ ጋላታና ቦንቸና ሃሣ ኮሹሞዋ ዒንጊንታንዳኔ። 11 ዋይቲ ጌዔቲ ያኦሲ ዓሲ ዲማሱሞሴ።

12 ሙሴ ዔርዘ ዋጎ ዔሩሞያታቲያ ጎሜ ማዳ ዓሳ ቢያ ዔያታ ማዶ ፑርቶ ማዶ ዘሎና ባይቃንዳኔ፤ ዬያ ዋጎ ዔራያታዎ ጎሜ ማዶሢ ዬያ ዋጎ ጎይያና ኮይሳ ሜቶ ዔካንዳኔ። 13 ዓይጎር ጌዔቲ ያኦሲ ቤርቲዳ ፂሎ ማዓዘንሢ ዋጎ ካፓዘንሢኬ፤ ዋይዛዎ ካቸዋዘንሢቲሞሴ። 14 ሙሴ ዔርዘ ዋጎ ዔሩሞ ዓይሁዴ ማዒባኣ ዓሳ ዔያቶኮ ናንጎ ዋጋ ዓይሣ ባኮ ማዳኔ፤ ዬያር ሙሴ ዔርዘ ዋጎ ዔያታ ዔሩሞቲያ ዔያቶኮ ዒና ዋጌ ዓኣሢር ዔያታ ማዶንዶ ባኮ ዔዔራኔ። 15 ሃሣ ዔያቶኮ ዒና ዔያቶም ማርካዳኔ፤ ዋይቲ ጌዔቲ ዔያቶኮ ዒና ፔቲ ፔቲና ዔያታ ማዳ ባካ ፑርታ ማዒያ፣ ፔቲ ፔቲና ሃሣ ኮሺ ማዒያ ዔያቶም ዔርዘኔ፤ ዬያይዲ ዔያታ ማዳሢር ሙሴ ዔርዘ ዋጋ ዓይሣ ባካ ቢያ ዔያቶኮ ዒና ፃኣፒንቲ ዓኣሢ ዔርታኔ። 16 ዬይ ያዲ ማዓንዳሢ ሃሢ ታኣኒ ኮዢ ሃይሶ ቃኣሎ ዘሎና ኬኤዚ፣ ዔርዘሢ ጎይያ ዓሳ ማዶ ዓኣሺንቲ ባኮይዳ ዬሱሰ ኪሪሰቶሴ ዘሎና ያኦሲ ዋጋ ኬሎናኬ።

ዓይሁዶ ዓሶና ሙሴ ዔርዘ ዋጎና ዘላ

17 ሃይሾ ኔኤኒ ኔና፡- «ታኣኒ ዓይሁዴ ዓሲኬ» ጌዒ ሙሴ ዔርዘ ዋጎ ጉሙርቃያ ሃሣ፡- «ታ ያኦሲ ዓሲኬ» ጌዒ ኔ ሄርሺንታኔ። 18 ኔኤኒ ያኦሲ ማሊያ ዔራያ፣ ሙሴ ዔርዘ ዋጋ ጋዓሢያ ዔራሢር ኮሺ ማዳ ኔ ዔራኔ። 19 ኔኤኒ ሃሣ፡- «ዓኣፖ ባይቁ ዓሶ ታ ዔኪ ዓኣዳያ፣

2:6 2:6 ዓይኑ. 62:12፤ ኮኣኪ. 24:12። 2:11 2:11 ላሚ. ዋማ 10:17።

ዲሞይዳ ዓላ ዓሰኮዋ ታ ፖሲኬ» ኔ ኔና ጋዓኔ። 20 ይያጉዲ ሃሣ ኔ፡- «ዔሪባኣ ዓሰ ታ ዔርዛያኬ፤ ናኣቶ ታ ዔርዛያኬ» ጋዓኔ፤ ጊንሣ ሃሣ፡- «ዋጎንታ ዋጎኮ ጎኩም ሚርጌና ታ ዔራያኬ» ኔ ጋዓኔ። 21 ዓካሪ ማሌ ዓሰ ኔ ዔርዛያ ማዓዖ፡ ኔና ኔ ዔርዙዋዓዳ? «ውኡቂፖቴ» ኔ ጋዓኔ፤ ጋዓንቴ ኔ ኔኤሮ ዉዉኡቃኔ፤ 22 ጊንሣ «ዓሲ ሃሣ ማቾ ማዒባኣያና ላሂፖቴ» ኔ ጋዓኔ፤ ጋዓንቴ ይያ ኔ ማማዳኔ፤ ማሌ ካኣሽኮ ባኮ ኔ ሻሻኣከጎታኔ፤ ጋዓንቴ ይያ ካኣኩ ማኣራ ዓኣ ባኮ ዔያቶኮ ኔ ቡቡራኔ። 23 ኔኤኒ ያኦሲ ዋጎና ሄርሺንታኔ፤ ጋዓንቴ ይያ ዋጎ ኔ ካፖ ሃሺዖና ያኦሲ ኔ ቶኦቻኔ። 24 ይይ ያዲ ማዔሢ፡- «ዒንሢ፡ ዓይሁዶ ዓሰ ዛሎና ያኦሲኮ ሱንፃ ዓይሁዶ ማዒባኣ ዓሰና ጫሽከንታኔ» ጌይንቴ ፃኣፒንቴ ጎይዖናኬ።

25 ዓቲንቶ ቤርቶ ቲቂፃ ካኣሺ ኔኤም ማዓሢ ዋጎ ኔ ኩንሣቶኬ፤ ዋጎ ኔ ካፑዋያ ማዔቶ ጋዓንቴ ዓቲንቶ ቤርቶ ቲቂፃ ካኣኩ ጉሪ ማዓንዳኔ። 26 ይያሮ ዓቲንቶ ቤርቶ ቲቂንቴባኣ ዓይሁዶቱዋ ዓሢ ዋጎ ዓይሢያ ኩንሣያ ማዔቶ ዓቲንቶ ቤርቶ ቲቂ ካኣኩ ኩንሣያ ማዐብዓዳ? 27 ኔኤኒ ኔኤኮ ዋጌ ዓኣያ፡ ሃሣ ዓቲንቶ ቤርቶ ቲቂንቶ ካኣኩ ኩንሣያ ማዓዖ፡ ዋጎ ኔ ካፒባኣያ ማዔቲ ዓሸኮ ዓቲንቶ ቤርቶ ቲቂባኣያታዖ ዋጎ ኩንሣ ዓይሁዶ ማዒባኣ ዓሢ ኔ ጊዳ ዋጋንዳኔ። 28 ይያሮ ሱንፃ ሌሊ ዓይሁዶ ማዔ ዓሲ ጎኔ ዓይሁዶ ዓሲ ማዐብሰ፤ ይያጉዲ ሃሣ ጴዳ ዓሸኮ ዓቲንቶ ቤርቶ ቲቂፃ ሌሊ ጎኩም ቲቂንቴ ካኣሺቱዋሴ። 29 ጎኔ ዓይሁዶ ዓሲ ዒኖ ጋራፓ ዓይሁዶ ዓሲ ማዒ ጴዳቶኬ፤ ጎኔ ዓቲንቴ ቤርቲ ቲቂሢ ካኣሺ፡- ያኦሲ ዓያናፓ ማዔ ዒኔ ቲቂንቴ ካኣሺ ማዓንዳኣፓዓቲም ሙሴ ዔርዜ ዋጎይዳ ፃኣፒንቴ ጎይዖጉዲ ዓሸኮ ዓቲንቶ ቤርቶ ቲቂንቶ ካኣኩቱዋሴ። ይያይዳ ዓሲ ጋላታ ዴጎቃንዳሢ ያኦሲዳፓ ማዓንዳኣፓዓቲም ዓሲዳፓቱዋሴ።

3

ዓይሁዶ ዓሰኮ ዳሲንቶ

1 ዓካሪ ዓይሁዶ ዓሳ ዓይሁዶ ማዒባኣ ዓሰይዳፓ ባሻሢ ዓይጎናዳይ? ዓቲንቶ ቤርቶ ቲቂፃ ካኣኩ ዓይጎ ማኣዳይ? 2 ዓይሁዶ ዓሲ ማዒፃ ጎኔና ሚርጌ ጎይሢና ባሻያኬ፤ ይይያ፡- ያኦሲ ፔኤኮ ቃኣሎ ዓይሁዶ ዓሰም ጉሙርቂ ዒንጌሢሮኬ። 3 ዓይሁዶኮ ፔቴ ፔቴ ዓሳ ጉሙርቂንቱዋያ ማዒ ጴዳቶ፡- ዔያቶኮ ጉሙርቂንቱዋያ ማዒፃ ያኦሲ ጉሙርቂንቱዋያ ማሃ? 4 ፔቴታዖ ማሁዋሴ!
«ኔ ጌሰታ ጌኤዞና ጎኔ ዓሲ ማዒ

2:24 2:24 ዓ.ሲ. 52:5። 2:29 2:29 ላሚ. ዋማ 30:6።

ኔና ሞክታህ ኔ ላሃኔ»
ጌይንቲ ፃኣፒንቴሢጉዲ ዓሲ ቢያ ሉኡቃያ ማዔቴያ ያኦሲ ጎኔ ጌሰታያኩ።

5 ጋዓንቴ ኦኡኮ ጎማ ያኦሲ ሂሉሞ ፔጋሲ ጳቀያ ማዔቴ፣ ኦ ዎዚ ጋዓንዳይ? ያኦሲ ኦ ጎሞሮ ኦና ማቶይዳ ዓጌቶ ፒዜ ዒ ዎጋያቱሞሴ ጌይሢዳ? ዬያ ታ ዓሲ ማለሢ ጎይሢ ጋዓኔ። 6 «ያኦሲ ፒዜ ዎጋያቱሞሴ» ጋዓኒ ፔቴታዎ ዳንዳዒንቴሞሴ፤ ያዲ ማዔቶ ያኦሲ ዓፄይዳ ሃጊ ዎዲ ዎጋንዳይ?

7 ጋዓንቴ ታኣኮ ሉኡዚ ዓሲ ማዒፃ ያኦሲኮ ጎኩሞ ፔጋሲ ቦንቾ ጳኤፑሞዎ ዳውሞያ ማዔቶ ዓካሪ ታኣኒ ሉኡዚ ዓሲ ማዒ ዎጊንታሢ ዓይጌንዴሮዳይ? 8 ፔቴ ፔቴ ዓሳ፡- «ኮሺ ባኣዚ ኦ ዴንቃኒ ፑርታ ባኣዚ ኦ ማደሞ» ጌዒ ጌዒ ታኣኒ ዔርዘያ ማሊሲ ኦና ደንካኔ፤ ዬያሮ ዔያቶ ዑፃ ዎጊንታንዳ ዴኤያ ዎጋ ፒዜኩ።

ዓሲ ቢያ ጎሜና ማዒፃ

9 ዬያይዳቴ ኦኡኒ፣ ዓይሁዶ ዓሳ ዓይሁዶ ማዒባኣ ዓሰይዳፓ ባሻኔ ጌይሢዳ? ፔቴታዎ ያዲቱሞሴ! ዓይሁዶ ዓሰ ማዔቴያ ዓይሁዴ ማዒባኣ ዓሳ ሃሃ ዓሲ ቢያ ጎሜና ማዔሢ ሴርታዲ ታ ኩኤዜኔ።

10 ጌኤዠ ማፃኣፖይዳ፡-
«ፔቴታዎ ሂሉ ዓሲ ባኣሴ፤

11 ዒኔና ጳቂሃ ዓሲያ ባኣሴ፤
ዒናፓ ያኦሲ ኮዓ ዓሲ ፔቴታዎ ባኣሴ።

12 ቢያሢ ጎኩሞ ጎይፃፓ ዳቢ ዣኣሌኔ፤
ካራና ዓሲ ቢያ ጉሪ ባኣዚ ማዔኔ፤

ፔቴታዎ ኮሺ ማደ ማደ ዓሲ ባኣሴ።

13 ዓሲ ባይዛ፣ ፑርታ ጌኤሲ ጌሰታኒ
ዳንጋ ዔያቶኮ ጉሪ ዳኡፒ ዔቴጉዲኩ፤

ዳንጋ ዔያቶኮ ጌሻያኩ፤
ጌኤዛ ዔያቶኮ ሾኣሺ ዳዒሢጉዲኩ፤

14 ዳንጋ ዔያቶኮ ፑርታ ጋዳማ ሌሊ ጋዳንቃያኩ።

15 ዔያታ ዓሲ ዎዳኒ ሩኡራኩ

16 ዔያታ ዳንዳ ሴዞ ቢያይዳ ባይሰንታና ማቶናኮ ካራኩ።

17 ዎዲ ኮሺ ናንጎንዶቴያ ዔያታ ዔሩሞያኩ።

18 ፔቴታዎ ያኦሲ ዔያታ ዒጊጨሞሴ» ጌይንቲ ፃኣፒንቴኔ።

3:4 3:4 ዓይኑ. 51:4። **3:12** 3:12 ዓይኑ. 14:1-3፤ 53:1-3። **3:13** 3:13 ዓይኑ. 5:9፤ 140:3። **3:14** 3:14 ዓይኑ. 10:7። **3:17** 3:17 ዒሲ. 59:7-8።
3:18 3:18 ዓይኑ. 36:1።

19 ዋጎህ ዓይሠጃ ኮይሳሢ ዋጊና ዋርቃ ዓሲም ማዔሢ ኑ ዔራኔ፤ ዩያ ዛሎና ዓሳ ቶላኒ ጎያንድ ባኣዚ ባይዚ ዳንጎ ፔኤሲ ዓርቃንዳኔ፤ ዓጫ ቢያ ያኦሲ ቤርታ ዳቢንቴያ ማዓንዳኔ። 20 ዩያሮ ዓይጎ ዓሲያ ያኦሲ ቤርታ ሙሴ ዔርዘ ዋጎ ኩንሥሢና ዒሉዋሴ፤ ዋጋ ዳዋሢ፡- ዓሲ ጎሜና ማዒያኩ።

ዓሲ ኪሪሰቶሴ ጉሙርቁሢና ዒላያ ማዒያ

21 ሃሢ ጋዓንቴ ያኦሲ ዓሲ ዒሊሳ ጎይፃ ዋጋጋ ዲማዲ ጴዳኔ፤ ዩይያ፡- ሙሴ ዔርዘ ዋጎና ያኦሲ ማሊያ ኬኤዛ ዓሶ ዛሎና ማርካዲንቴኔ። 22 ዩያሮ ያኦሲ ያናኣ ዲማሱዋዎ ዩሱሰ ኪሪሰቶሴ ጉሙርቁዘንሢም ቢያ ዒሉም ዒንጋኔ። 23 ዓይጎር ጌዔቶ ዓሲ ቢያ ጎሜ ማዲ ያኦሲ ዔያቶም ዒንጌ ቦንቻጋ ዓቴኔ። 24 ዩያሮ ዓሳ ዩሱሰ ኪሪሰቶሴ ማዲ ዳቁሺያ ማዲና ያኦሲ ፔ ኮሹሞና ዒንጌ ዒንጌያና ዒላኔ። 25 ያኦሲ ዩሱሰ ኪሪሰቶሴ ጎሞ ዛሎ ዒንጎ ባኣዚ ማሃ ዒንጌሢ ዒዛ ጉሙርቁሢ ቢያ ዒዛ ሱጉያና ዔያቶኮ ጎማጋ ማኣሪንተሢ ዴንቃንዳጉዲኩ፤ ያኦሲ ዩያ ማዲሢ ቤርታ ዓኣ ጎሞ ጊቢ ዳንዳዒሢና ባኣያ ማሃ ፔኤኮ ዒሉም ጎይፃ ዳዋኒኩ። 26 ሃሃኣ ዋድና ያኦሲ ዒሎ ዋጋያ ማዒያ ዳዋሢ ዩሱሴ ጉሙርቁዘንሢ ቢያ ዒሊሲያናኩ።

27 ዓካሪ ኑኡኒ ሄርሺንታንዳ ባኣዚ ዓይጌ ዓኣይ? ዓይጎናኣ ኑ ሄርሺንታ ባኣዚ ባኣሴ፤ ኑ ሄርሺንቱዋኣሢ ዓይጎ ዛላናዳይ? ዋጎ ኑ ማዲ ኩንሃሢሮዳ? ዔይዔ፤ ኪሪሰቶሴ ጉሙርቁሢ ዋጊናኩ። 28 ዩያሮ ያኦሲ ዓሲ ዒሎ ማሃ ዛጋሢ፡- ዋጌ ማዲ ኩንሢምቱዋንቴ ጉሙርቁቶ ማዔሢ ኑ ዔራኔ። 29 ያኦሲ ዓይሁድ ዓሶ ያኦሲ ሌሊዳ? ዓይሁድ ማዒባኣ ዓሶኮ ያኦሲቱዋዓዳ? ጎኔና ዓይሁድ ማዒባኣ ዓሶኮዋ ያኦሲኩ። 30 ያኦሲ ፔቴኩ፤ ዓይሁድ ዓሶ ማዔቴያ ዓይሁድ ማዒባኣ ዓሶ ኪሪሰቶሴ ጉሙርቁሢ ዛላና ዒሊሳሢ ዒዛኩ። 31 ዓካሪ ኪሪሰቶሴ ጉሙርቁሢ ዛላና ዋጎ ኑ ባይዛኔ ጌይሢዳ? ያዲቱዋሴ! ባሼና ዋጎ ኑ ደዲሺ ካካጋያኩ።

4

ዓብራሃሜኮ ያኦሲ ጉሙርቁያና ዒሊያ

1 ዓካሪ ኑኡኮ ዓዳሢ፡ ዓብራሃሜ «ዴንቄኔ» ኑ ጋዓሢ ዓይጌንዴዳይ? 2 ዓብራሃሜ ዋንዴ ዒሊሢ ማዲና ማዔያታቱ ዒ ሄርሺንታንዳ ባኣዚ ዴንቃንዳያኩ፤ ጋዓንቴ ዒ ያኦሲ ቤርታ

3:22 3:22 ጋላ. 2:16። 3:30 3:30 ላሜ. ዋማ 26:4፤ ጋላ. 3:20።

ሄርሺንታኒ ዳንዳዑቀሴ። 3 ዓይጎር ጌዔቴ፡- «ዓብራሃሜ ያኦሲ ጉሙርቁሂሮ ጉሙርቁፃ ዒዛኮ ሁሉም ማዒ ፓይዲንቴኔ» ጌይንቴ ፃኦፒንቴኔ። 4 ማዶ ማዶ ዓሲም ማዶ ዛሎ ዒንጊንታ ባካ ዒዛኮ ምልቆ ዛሎኬ፤ ጉሪ ዒንጎያቱቀሴ። 5 ዓሲ ኮሺ ባኦዚ ማዲባኦያ ማዔቴያ ጎሞ ዓሶ ሁሊ ፃኦዛሂ ጉሙርቁቶ ጉሙርቁፃ ሁሉም ማዒ ዒዛም ፓይዲንታንዳኔ። 6 ዓሲ ኮሺ ማዶ ዛላርቱቀንቴ ያኦሲ ጉሪ ሁሊ ዓሲ ዓንጂንቴያ ማዒያ ዳውቴ ዔርዛያ፡-

7 «ዳቢንታ ዓቶም ጌይንቴዘንሂና

ጎሞቀ ሃሸና ዓሳ ዓንጂንቴያኬ!

8 ያኦሲ ጎሞ ዒዛኮ ዓርቁባኦ ዓሂ ዓንጂንቴያኬ!» ጌዔኔ።

9 ዓካሪ ዬይ፡ ዳውቴ ኬኤዜ፡ ዓንጂ ዓቲንቶ ቤርቶ ቲቁንቴ ዓሶም ሌሊም? ቲቁንቴባኦ ዓሶማኦ ኬኤዜይ? ቲቁንቴባኦዘንሂማኦ ኬኤዜኔ። ዓይጎር ጌዔቴ፡- «ዓብራሃሜ ያኦሲ ጉሙርቁሂሮ ጉሙርቁፃ ዒዛኮ ሁሉም ማዒ ዒዛም ፓይዲንቴኔ» ኦ ጌዔኔ።

10 ዓብራሃሜኮ ጉሙርቁፃ ሁሉም ማዒ ፓይዲንቴሂ ዓይዴዳይ? ዓቲንቶ ቤርቶ ቲቁንቶኮ ቤርታም? ጊንፃኦዳይ? ዓቲንቶ ቤርቶ ቲቁፃኮ ቤርታኬ፡ ጊንፃኦቱቀሴ። 11 ዓብራሃሜ ዓቲንቶ ቤርቶ ቲቁንታንዳሂኮ ቤርታ ዒዛኮ ጉሙርቁፃ ሁሉም ማዒ ዒዛም ፓይዲንቴሂ ዔርዛንዳ ማላታ ማዓንዳጉዲ ዓቲንቶ ቤርቶ ዒ ቲቁንቴኔ፤ ዬያሮ ዓብራሃሜ ዓቲንቶ ቤርቶ ቲቁንቴቀየ ጉሙርቁዘንሂና ጉሙርቁፃኦ ሁሉም ማዒ ፓይዲንታዘንሂኮ ቢያ ዓዶኬ። 12 ዬያጉዲ ሃሂ ዓብራሃሜ ዓቲንቶ ቤርታ ቲቁንቴዘንሂኮቀ ዓዶኬ፤ ዓቲንቶ ቤርቶ ቲቁንቴዘንሂኮ ዓዶ ማዔ ጎይፃ ዔያቶኮ ዓቲንቶ ቤርቶ ቲቁንቶና ሌሊቱቀንቴ ዒዚ ዓቲንቶ ቤርቶ ቲቁንቶኮ ቤርታ ዓኦ ዒዛኮ ጉሙርቁፃጉዴያ ዔያታ ጉሙርቁሂሮኬ።

13 ዓብራሃሜ ፔ ዜርፆና ዓጮ ዳካላንዳያታሂ ያኦሲ ዒዛም ሃጊ ማዓንዳ ምዛ ዒንጌኔ፤ ዬይ ምዛ ጴዴሂ ዓብራሃሜ ምጎ ከንሂሂሂሮቱቀንቴ ጉሙርቁሂሮና ጉሙርቁፃኦ ዒዛም ሁሉም ማዒ ፓይዲንቴሂሮኬ። 14 ዬያ ሃጊ ማዓንዳ ምዛ ዴንቃንዳዘንሂ ምጎ ካፓ ዓሶ ማዔቴ ጉሙርቁሂ ፓሡቀ ባኦዚ ማዓኔ፤ ዒንጊንቴ ምዛኦ ጉሪ ማዓኔ ጌይሂኬ። 15 ምጌ ያኦሲ ጎሪንቴ ዔኪ ዬዓኔ፤ ምጌባኦያ ማዔቶ ጋዓንቴ ምጌኮ ዑሃ ዓኦዲ ዳቦ ዳቢንቴ ባኦያ ማዓንዳኔ።

4:3 4:3 ማኸ. ማፃ 15:6፤ ጋሊ. 3:6። 4:8 4:8 ዓይኪ. 32:1-2። 4:11 4:11 ማኸ. ማፃ 17:10። 4:13 4:13 ማኸ. ማፃ 17:4-6፤ 22:17-18፤ ጋሊ. 3:29። 4:14 4:14 ጋሊ. 3:18።

16 ሃጊ ማዓ ዎዘኮ ዓይፃ ጉሙርቁሢኬ፤ ዬያሮ ዓብራሃሜ ዜርፃ ቢያ ዬያ ዔርቴ ዎዘ ያኦሲኮ ኮሹሞ ዒንጊያና ዴንቃንዳኔ፤ ዬይያ፡- ዎጎ ዛሎና ሂላዘንሢሞ ሌሊቱዎንቴ ዓብራሃሜጉዲ ጉሙርቁያና ሂላንዳዘንሢሞአ ማዓንዳኔ፤ ዓብራሃሜ ጉሙርቁያ ዛሎና ኑና ቢያሢኮ ዓዶ ማዔሢሮኬ። 17 ዬይ ያዲ ማዔሢ፡- «ሚርጌ ዴሬኮ ታ ኔና ዓዶ ማሄኔ» ጌይንቴ ፃኣፒንቴ ጎይያናኬ። ዬያሮ ዓብራሃሜ ጉሙርቁ ያኦዛሢ፤ ሃይቁሢያ ዔቁሳሢና ባኣ ባኮዎ ዓኣያ ማዓንዳጉዲ ማሃ ያኦዛሢኮ ቤርታ ሃጊ ማዓ ዎዘ ዒዛኮ ዶዲኬ። 18 ዓብራሃሜ ጉሙርቁሢና ሃጊ ማዓ ዎዘ ጌሢሢ ዓይጎ ባኣዚያ ሃጊ ማዓ ዎዘ ማሆንዶ ባኣዚ ባኣያይዳኬ፤ ዬያሮ፡- «ዜርፃ ኔኤኮ ዬያጉዲ ሚርጋንዳኔ» ጌይንቴ ፃኣፒንቴ ጎይያና ሚርጌ ዴሬኮ ዒ ዓዶ ማዔኔ። 19 ለዓ ዒዛኮ ፃኤታ ሄለያ ማዔ፤ ጋርቼ ዓሲታዎ ዒዛንታ ማቕ ሳኣራንታ ጋርቼ ሾዓኒ ዴንዳዑዎአሢ ዔሬቴያ ያኦሲ ጉሙርቁያ ዒ ሹሌዒሲባኣሴ። 20 ጉሙርቁያና ዒዚ ዶዲ ያኦሲ ቦንቹያፓዓቴሞ ያኦሲ ዒንጌ ሃጊ ማዓ ዎዘ፡- «ማዓያሞ ማዑዎያዳይ?» ጌይ ማሊባኣሴ። 21 ዓይጎር ጌዔቴ ያኦሲ ዒዛሞ ዒንጌ ዎዘ ከንሢኒ ዴንዳዓሢ ዒ ዔሬሢሮኬ። 22 ዓብራሃሜኮ ጉሙርቁያ ሂላሞ ማዒ ፓይዲንቴሢ ዬያናኬ። 23 ጋዓንቴ፡- «ሂላሞ ማዒ ዒዛሞ ፓይዲንቴኔ» ጋዓ ቃኣላ ፃኣፒንቴሢ ዓብራሃሜሞ ሌሊቱዎንቴ፤ 24 ኑማኣ ማዓያኬ፤ ጎዶ ዬሱሴ ሃይባፓ ዔቁሴ ያኦዛሢ ኑ ጉሙርቁሢሮ ኑማኣ ኑ ጉሙርቁያ ሂላሞ ማዒ ፓይዲንታንዳኔ። 25 ዬይ ኑ ጎዳሢ፤ ዬሱሴ ኑ ጎሞሮ ሃይቢሞ ዓኣሢንቴ ዒንጊንቴሢና ኑናኣ ሂሊሳኒ ሃይባፓ ዔቁሢኬ።

5

ጉሙርቁሢና ጴዳ ኮሹሞና ዎዘና

1 ዓካሪ ኑኡኒ ሂላሞ ዴንቁሢ ጉሙርቁሢና ማዔሢሮ ኑ ጎዳ ዬሱሴ ኪሪሰቶሴ ዛሎና ያኦሲና ዎላ ኑኡኮ ኮሹሞ ዓኣኔ። 2 ዒዛ ዛሎና ሃሢ ኑ ዓኣ፤ ያኦሲኮ ኮሹሞ ዒንጊያይዳ ጉሙርቁሢና ኑ ጌላኒ ዴንዳዔኔ፤ ያኦሲና ዎላ ቦንቹንታያ ኑ ማዓንዳሢሮ ሃጊ ማዓንዳ ዎዘና ኑ ዎዘዳኔ። 3 ዬያና ሌሊቱዎንቴ ኑኡኮ ሚታሢናኣ ኑ ዎዘዳኔ፤ ዓይጎር ጌዔቶ ሜቶይዳፓ ዶዲሞ ጴዳያታሢ ኑ ዔራኔ፤ 4 ዶዲሢ ሜቶ ዴንዳዔያ ማዔሢ ዔርዘኔ፤ ዬካፓ ሃጊ ማዓንዳ ዎዘ

4:16 4:16 ጋላ. 3:7። 4:17 4:17 ማኹ. ማፃ 17:5። 4:18 4:18 ማኹ. ማፃ 15:5። 4:19 4:19 ማኹ. ማፃ 17:17። 4:25 4:25 ዒሲ. 53:4-5።

ጴዳኔ። 5 ኑሞ ዒንገንገቴ ዓያኖ ጌኤዠር ዛሎና ያኦሲ ናሹማ ዒና ኑኡኮ ማርገገና ዓኣሢሮ ዒ ሃሢ ዒንገገ ሃጊ ማዓንዳ ዎዛ ኑና ቦርሲሱዋሴ።
 6 ቤርታ ኑ ላቤያ ማዒ ዓኣንገገ ያኦሲ ማሊ ገሤ ዎዶና ኪሪሰቶሴ ጎሞ ዓሶ ዛሎ ሃይቄኔ። 7 ዲሎ ዓሲ ዛላሮ ገዒ ሃይቃንዳ ዓሲ ዴንቃኒ ማርገገ ማቶኬ፤ ጋዓንገገ ኮሺ ዓሲ ዛላ ሃይቃኒ ጨርቃይ ጎዖንገገ ጴዳንዳና ናንዳኔ። 8 ጋዓንገገ ኑኡኒ ጎሜናታንገገ ኪሪሰቶሴ ኑ ዛሎ ሃይቄኔ፤ ዩይያ፡- ያኦሲ ኑና ናሽካ ናሹማ ኮሺ ዴኤፒ ማዔሢ ዔርዛኔ።
 9 ዓካሪ ኑኡኒ ዲላሢ ዩሱሰ ኪሪሰቶሴ ሱጉዖ ዛሎና ማዔቲ፣ ባሼና ያኦሲ ጎሪንታፓ ኑ ዓታንዳሢ ዒዛ ዛሎናኬ። 10 ኑኡኒ ያኦሲና ሞርኬ ማዒ ዓኣዖ ዒዛኮ ናዓሢ ሃይቦና ዒዛና ዎላ ኑ ቡኬኔ፤ ሃሢያ ኑኡኒ ያኦሲና ዎላ ቡኬሢኮ ገንፃ ዒዛኮ ናዓሢ ናንጎ ዛሎና ባሼ ኑ ዳቃንዳኔ። 11 ዩያ ሌሊቱዋንገገ ኑና ቡኩሴ፣ ዩሱሰ ኪሪሰቶሴ ዛሎና ያኦሲ ማዴ ባኮሮ ኑ ዎዛዳኔ።

ሃይቢ ዓዳኣሜና ናንገ ኪሪሰቶሴና ሙኪያ

12 ፔቲ ዓሲ ዛላና ጎሜ ዓጮ ጌሌሞ፣ ጎሜ ዛላና ሃይቢ ሙኬኔ፤ ዩይያ፡- ዓሲ ቢያ ጎሜ ማዴሢሮ ሃይቢ ዓሲ ቢያ ሄሌኔ። 13 ዎይቲ ጌዔቲ ሙሴኮ ዓሶ ዎይሃ ዎጋ ዒንገንታንዳሢኮ ቤርታ ጎሜ ዓጮ ዓኣኔ፤ ማዔቲያ ዎጌባኣ ዎዶና ጎሜ ጎሜኬ ጌይንገገዋሴ። 14 ጋዓንገገ ዓዳኣሜጉዲ ዎጌ ዳቢ ጎሜ ማዲባኣዘንሢያ ዓይሱዎዖ፣ ሃይቢ ዓዳኣሜፓ ዓርቂ ሙኪ ሙሴ ሄላንዳኣና ዓሲ ቢያይዳ ቢታንቶ ዴንቄኔ።

ዩይ ዓዳኣሜ ሃጊ ሙካንዳ ኪሪሰቶሴኮ ማላታ ማዔኔ።
 15 ጋዓንገገ ያኦሲኮ ኮሹሞ ዒንገገ ዓሢኮ ጎሞይዳፓ ባሼኬ፤ ፔቲ ዓሲ ጎሜ ዛላና ማርገገ ዓሲ ሃይቄሢጉዲ ያኦሲኮ ኮሹሞ ዒንገገ ማዔ፣ ፔቲ ዩሱሰ ኪሪሰቶሴ ዛሎና ጴዴ ዒንገገ ማርገገ ዓሶሞ ዑሃ ዓኣሢ ዒንገንገቴኔ። 16 ዩያጉዲ ያኦሲኮ ኮሹሞ ዒንገገ ያኦኣፓ ዓሢኮ ጎሞ ዓኣፓፓ ባሼኔ፤ ፔቲ ዓሲ ጎሜ ዛላ ዒንገንገገ ዎጌ ማቶ ዔኪ ሙኬኔ፤ ማርገገ ጎሞ ዛሎና ዒንገንገገ ያኦሲ ኮሹሞ ዒንገገ ጋዓንገገ ዲሎሞ ዔኪ ሙኬኔ። 17 ፔቲ ዓሲ ዳቢንገገ ዛላና ሃይቢ ዓሲ ቢያይዳ ቢታንቶ ዴንቄኔ፤ ጋዓንገገ ዩያፓ ዩሱሰ ኪሪሰቶሴ ማዴሢ ባሼኬ፤ ዩይያ፡- ፔቲ ዩሱሰ ኪሪሰቶሴ ዛሎና ያኦሲኮ ማርገገ ኮሹሞ ዒንገገ ዴንቄ ዲላ ዓሳ ቢያ ሃይቢ ባሺ ናንገና ናንጋንዳኔ።

18 ዓካሪ ፔቲ ዓዳኣሜ ጎሞ ማቶ ዎጌ ዓሲ ቢያይዳ ዔኪ ሙኬያ ማዔቲያ፣ ፔቲ ኪሪሰቶሴኮ ዲሎሞ ማዴ ማርገገሢ ማቶይዳፓ ኬሲ ናንገ ዒንጋንዳኔ። 19 ዓዳኣሜኮ ዓይሢንገገዎዖ ዓቲዖ ዛሎና ማርገገ

5:12 5:12 ማኹ. ማፃ 3:6።

ዓሳ ጎሜና ማዕረግ ደፊ፡ ከሪሰቶሴኮ ዓይሂንቲያ ዛሎና ሚርጌ ዓሳ ደላንዳኔ።

20 ዋጌ ሙኪያና ደብንቲ ሚርጌ፤ ጋዓንቲ ደብንታ ሚርጌሂዳፓ ያኦሲኮ ኮሹሞ ዒንጊያ ዑሣ ዓኣዴ ሚርጌ። 21 ዬይ ያዲ ማዕረግ ጎሜ ሃይቢ ዛላና ካኣታዳሂጉዲ ያኦሲኮ ኮሹሞ ዒንጊያ ኑ ጎዳሂ ዬሱስ ከሪሰቶሴ ዛሎና ጳዳ ናንጊና ናንጊ ደሉሞ ዔኪ ሙኪሂና ካኣታዳንዳጉዲኬ።

6

ጎሜይዳፓ ሃኪ ከሪሰቶሴና ናንጊሂ

1 ዓካሪ ኑ ዋዚ ጎንጎይይ? ያኦሲኮ ኮሹሞ ዒንጊያ ኑሞ ሚርጋንዳጉዲ ጎሜ ማዲ ማዲ ናንጎንድ? 2 ፔቲታያ ዬይ ኮይሱሞሴ! ኑኡኒ ሃይቢና ዲማዳሂጉዲ ጎሜይዳፓ ዲማዳጎ ጊንሂ ዋይቲ ኑ ጎሜ ማዲ ማዲ ናንጋንዳይ? 3 ዬሱስ ከሪሰቶሴና ዋላ ፔቲ ማዓኒ ኑ ዋኣያ ማሰቲ ዓሳ ቢያ ዒዛኮ ሃይቢና ፔቲ ማዓኒ ዋኣያና ማሰቲሂ ዒንሂ ዔሩሞዳዳ? 4 ዋኣያ ማሰቲያና ዒዛና ዋላ ኑ ዲኡቲ ዋዶና ዒዛና ዋላ ኑ ሃይቄያ ማዕኔ፤ ዬያሮ ከሪሰቶሴ ዓዶኮ ቦንቾና ሃይባፓ ዔቄሂጉዲ ኑኡኒያ ዓኪ ናንጊ ናንጋ።

5 ኑኡኒ ሃይቄ ዒዛና ዋላ ፔቲ ማዕቲ፤ ሃይባፓ ዔቄያና ዒዛና ዋላ ኑ ፔቲ ማዓንዳ። 6 ኑኡኮ ቤርታኣ ናንጋ ላኣሚንቲሞ ጎሜኮ ካራሚ ማዓያ ዓታንዳጉዲ ቤርታኣ ናንጋ ኑኡኮ ከሪሰቶሴና ዋላ ሱግንቲሂ ኑ ዔራ። 7 ጎሜኮ ሃይቄ ዓሳ ዑሰካ ቢታንቶ ባኣሴ። 8 ዓካሪ ኑኡኒ ከሪሰቶሴና ዋላ ሃይቄቲ ዒዛና ዋላ ናንጊና ናንጋንዳሂ ኑ ጉሙርቃ፤ 9 ከሪሰቶሴ ሃይባፓ ዔቄሂሮ ለሚ ሃይቄንዲሞኣሂና ሃይቢኮሞ ዒዛይዳ ቢታንቶ ባኣሂ ኑ ዔራ። 10 ዒዚ ሃይቄ ዋዶና ጎሜኮ ዒዛ ዑያ ቢታንቶ ባኣያ ማዓንዳጉዲ ጋፒንሂ ፔቲና ዒ ሃይቄ፤ ሃሂ ዒ ሸምፔና ማዒ ናንጋሂ ያኦሲሞኪ። 11 ዓካሪ ሃሂ ዒንሂዳ ጎሜኮ ቢታንቶ ባኣሂና ዬሱስ ከሪሰቶሴ ዛሎና ያኦሲሞ ሸምፔና ዓኣያ ማዒ ዒንሂ ናንጋያታሂ ማሉሞቲ።

12 ዬያሮ ጎሜ ፔኤኮ ፑርቶ ማሊያ ዒንሂ ኩንሂሱሞጉዲ ዒንሂኮ ሃይቃ ዑይይዳ ጎሜ ቢታንታንዳጉዲ ማሂፖቲ፤ 13 ዒንሂኮ ዲማ ዲማ ዑያ ፑርታ ባኣዚ ማዳያ ማሂ ጎሜሞ ዒንጊፖቲ፤ ጋዓንቲ ሃይቢፓ ዒንሂ ዔቄ ጎይያና ዒንሂ ያኦሲሞ ዒንጉሞቲ፤ ሃሂ ዒንሂኮ ዲማ ዲማ ዑያ ቢያ ደሎ ማዶ ማዳንዳጉዲ ያኦሲሞ ዒንጉሞቲ። 14 ዓይጎር ጌዔቲ ሃሂ ዒንሂ ናንጋሂ ያኦሲኮ ኮሹሞ ዒንጊያ

6:4 6:4 ቆላ. 2:12።

ዴማ ማዓንዳኢጋዓቴም ዎጌ ዴንካቴዎአሢሮ ጎሜ ዒንሢ ዎይሢኒ ከይሱዋሴ።

ዲሉሞ ካራሚ ማዒሢ

15 ዓካሪ ኑ ዎደንደይ? ዎጌ ዴማ ማዒፃ ዓቴም ያኦሲኮ ኮሹሞ ዒንጊዎኮ ዴማ ኑ ማዒያተሢሮ ጎሜ ኑ ማደም ጌይሢዳ? ዩይ ፔቴታዎ ማዓዓኩ! 16 ፔቴ ዓሲም ዒንሢ ማዳኒ ዓይሢንታኣና ዩያ ዒንሢ ዓይሢንታ ዓሢም ካራሚ ማዒሢ ዒንሢ ዔራኔ፤ ዩያጉዲ ጎሜም ዒንሢ ዓይሢንቴቴ ሃይቢ ዔኪ ሙካ፣ ጎሜኮ ካራሚ ዒንሢ ማዓንዳኔ፤ ያኦሲም ዓይሢንቴቴ ጋዓንቴ ዲሉሞ ዒንሢ ዴንቃንዳኔ። 17 ዒንሢ ቤርታ ጎሜኮ ካራሚከ፤ ሃሢ ጋዓንቴ ዎይዚ ዔኪ ዔራቶም ዒናጋ ዒንሢ ዓይሢንታሢሮ ያኦሲ ጋላታ ሄሎንጎ። 18 ጎሜ ካራሙሞይዳጋ ኬሰኪ ዲሉሞኮ ካራሚ ዒንሢ ማዒኔ። 19 ታኣኒ ሃያ ዒንሢም ዔርታንዳ ጎይሢና ኬኤዛሢ ዒንሢኮ ማሊፃ ላቤያተሢሮኬ፤ ሃያኮ ቤርታ ዒንሢኮ ዑዎ ዒኢቴ ባኣዚና ፑርታ ማደናም ማሢ ዒንሢ ዒንጌሢጉዲ ሃሢ ዒንሢኮ ዴማ ዴማ ዑዎ ያኦሲም ዴማዴያ ማዓንዳጉዲ ዲሉሞኮ ካራሚ ማሢ ዒንጉዋቴ።

20 ዒንሢ ጎሜኮ ካራሚ ማዒ ዓኣ ዎደና ዲሉሞም ዒንሢ ማዳንዳሢ ዒንሢም ዔርቲባኣያኩ። 21 ሄዳዎ ዩና ዎደና ዓይጎ ዒንሢ ጋሢ ባኣዚ ዴንቄይ? ሃሢ ዒንሢ ቦርሲሳ ባከይዳጋ ዓታዛ፣ ዓይጎዎ ጋሢ ባኣዚ ዒንሢ ዴንቄባኣኦ፤ ዩያ ባኮኮ ጋፒንፃ ሃይቢኩ። 22 ሃሢ ጋዓንቴ ጎሜኮ ካራሙሞይዳጋ ዒንሢ ኬሰኪ ያኦሲ ካራሚ ማዒሢሮ፣ ያኦሲም ዴማዴያ ዒንሢ ማዓንዳኔ፤ ያኦሲም ዴማዲያኮዎ ጋፒንፃ ናንጊና ናንጊኩ። 23 ዓይጎሮ ጌዔቴ ጎሜይዳጋ ጴዳ ባኣዚ ሃይቢኩ፤ ያኦሲዳጋ ዒንጊንታ ዒንጊፃ ጋዓንቴ ኑ ጎዳሢ፣ ዩሱሰ ኪሪሰቶሴ ዛሎና ጴዳ ናንጊና ናንጊኩ።

7

ዔፒና ኮኦኪንሃና ባኣዚ

1 ታ ዒሹንሃ! ታ ሚሹንሃ! ቢያሢ ዒንሢ ዎጌ ዔራያተሢሮ ዎጌ ዓሲዳ ቢታንቶ ዴንቃሢ ዓሲ ሹምፖና ዓኣ ዎደማና ሌሊታሢ ዒንሢ ዔራኔ። 2 ኮኦኪንሃና፡- ፔቴ ሎዔ ላኣሊ ዓኒና ዎላ ሹምፔና ናንጋ ዎደይዳ ዒዛና ዎላ ዎጌና ቴኡቴያኩ፤ ዓኒ ዒዛኮ ሃይቄቶ ጋዓንቴ ዒዛ ቴኡቴ ዎጎይዳጋ ኬሰኪያ ማዓኔ። 3 ዩያሮ ዓኒ ዒዛኮ ሹምፔና ዓኣንቴ ሜሌ ዓቴንቄም ዒዛ ሎዔቴ ዓኒ ማዒባኣያና ላሄኔ ጌይንታኔ፤ ዓኒ ሃይቄቶ ጋዓንቴ ዒዛና ዎላ ዒዛ ቴኡቴ ዎጎይዳጋ ኬሰኪያኩ፤ ሜሌ ዓሲም ዒዛ ሎዔቴ ዓኒ ማዒባኣያና ላሄኔ ጌይንታዓኩ። 4 ዒሹንሢዮቴ! ዒንሢ ባካ ዩያጉዴያኩ፤ ዒንሢ

ኪሪስቶስ ዑዳን ደማ ደማ ቤዛ ማዕረግ ሃይቢና ደማደሚጉዲ ሙሴ ዋጋጋ ዲንሢ ደማደኔ። ዬያሮ ያኦሲ ማደም ዓኣፒ ኑ ዓኣፒንዳጉዲ ሃይቢዳፓ ዔቄ፣ ኪሪስቶስሮ ዲንሢ ማዕኔ።
 5 ዋይቲ ጌዔቲ ጎሞ ማሊያና ኑ ናንጋ ዋዶና ዋጎ ዛሎና ማደንጎታ ፑርቶ ማሊያ ሃይቢ ዓኣፒ ኑ ዓኣፒንዳጉዲ ኩኩ ደማ ደማ ዑዳይዳ ማደኔ።
 6 ሃሢ ጋዓንቲ ቤርታ ቱኪ ኑና ዓኣ ዋጎይዳፓ ሃይቢና ደማደሚጉዲ ኑ ደማደያ ማዕረግ ዋጎ ቱኩዛፓ ኑ ኬስኬኔ። ዬያሮ ሃካፓ ሴካ ኩኩ ማደሢ ዓኪ ማዕ ዓያሮ ዓይሢያጉዲኬ፤ ማና ቤርታ ያኣፒንቲ ጪንቄ ዋጋ ዓይሢሢ ጎይዳቱሞሴ።

ዋጌና ጎሜና ዛላ

7 ዓካሪ ኑ ዋዚ ጎዳንደይ? ዋጌ ፔ ቶኦኪና ጎሜኬ ጌይሢዳ? ፔቲታዎ ያዲቱሞሴ! ጋዓንቲ ጎሜ ዓይጎ ማዕቲያ ታ ዔራንዳጉዲ ማሃሢ ዋጌኬ። ዋይቲ ጌዔቲ ዋጋ፡- «ዓሲሮ ዛጊ ሱኡካዲፖ» ጌሲባኣያታቲ፣ «ሱኡካዲሢ» ዓይጎታቲያ ታ ዔራንዳፖያታንቲኬ።

8 ጎሜ ሱኡኬ ቢያ ታ ሱኡካዳንዳጉዲ ማሃሢ ዋጌይዳፓ ሙኬ ዓይሢያ ዛሎናኬ፤ ዋጌባኣቶ ጋዓንቲ ጎሜ ሃይቄ ባኣዚኬ።
 9 ዋጌ ታ ናንጎይ ሃጊ ቢታንቶ ዳንቄባኣንቲ ዋጎኮ ዓይሢያ ታ ዔራዛ ጎሜ ሸምፖ ዳንቄኔ፤
 10 ታኣኒ ሃይቄኔ፤ ናንጊና ናንጊ ዲንጋንዳጉዲ ዲንጊንቲ ዋጎኮ ዓይሢያ ታኣም ሃይቢ ዔኪ ሙኬኔ።
 11 ዋይቲ ጌዔቲ ዋጌኮ ዓይሢያ ዛሎና ጎሜ ካራ ዳንቄ ታና ጌሺ ዓይሢሢና ዋደኔ።

12 ዬያሮ ዋጌ ያኦሲም ደማደያኬ፤ ዓይሢሢያ ደማደያ፣ ጌኦሺ ሃሢ ኮሺኬ።
 13 ሂዳዎ ዬይ ኮዡ ባካ ታኣም ሃይቢ ዔኪ ሙኬኔ ጌይሢዳ? ያዲቱሞሴ! ሃይቢ ታኣም ዔኪ ሙኬ ባካ ጎሜኬ። ጎሜ ዓይጎታቲያ ዔርታንዳጉዲ ኮሺ ማዕ ባኬሎ ካራ ማሃ ዬይ ሃይቢ ታኣም ዔኪ ሙኬኔ። ዬያሮ ጎሞኮ ፑርቲማ ዔርታሢ ዋጌኮ ዓይሢያ ዛሎናኬ።

ዓሲ ናንጊዳ ዓኣ ማሹምቦ

14 ዓካሪ ዋጌ ዓያና ባኣዚ ማዕሢ ኑ ዔራኔ፤ ታኣኒ ጋዓንቲ ጎሜኮ ካራሚ ማዓኒ ሻንቸንቲያ፣ ጎሜ ማሊሢ ታና ዋይሢያኬ።
 15 ታኣኒ ማዳ ባኮ ታ ዔራሞሴ፤ ዓይጎሮ ጌዔቲ ናሽካ ባኮ ታ ሃሺ፣ ታ ዒያ ባኮ ማዳኔ፤
 16 ዓካሪ፤ ታኣኒ ማዳሢ ታ ኮዑሞ ባኣዚ ማዕቲ ዋጌ ኮሺ ማዕሢ ታ ማርካዳኔ።
 17 ታ ማዳኒ ኮይሱሞ ባኮ ማዳሢ ታ ጊደይዳ ዓኣ ጎሞ ማዓንዳኣፓዓቲም ታናቱሞሴ።
 18 ታ ጊደይዳ

7:7 7:7 ኬሲ. ማፃ 20:17፤ ላሚ. ዋማ 5:21። 7:11 7:11 ማኸ. ማፃ 3:13።
 7:15 7:15 ጋላ. 5:17።

ሃሣ ታኣኮ ጎሞ ማሊያይዳ ዓይጌያ ኮሺ ባኣዚ ባኣሢ ታ ዔራኔ፤ ዓይጎሮ ጌዔቴ ዓይጎ ኮሺ ባኣዚ ታ ማዳኒ ማላቶዎ ዬኖ ኮዦ ማዳሎ ታ ማዳኒ ዳንዳዑዋኣሢሮከ። 19 ማዳኒ ታኣም ኮይሳ ኮዦ ማዳ ታ ማዳፍዎሴ፤ ጋዓንቴ ታ ኮዑዋ ፑርታ ማዳ ታ ማዳኔ። 20 ዓካሪ ማዳኒ ታኣም ኮይሱዋ ፑርቶ ማዳ ማዳያ ታ ማዔቴ ዬያ ማዳሢ ታ ጊደይዳ ዓኣ ጎሞ ማዓንዳኣፓዓቴም ታናቴዋሴ ጌይሢኬ።

21 ዬያሮ ፔቴ ዋጌ ማዳ ማዳ ዓኣሢ ታ ዛጋኔ፤ ዎይቲ ጌዔቴ ታ ኮሺ ባኣዚ ማዳኒ ኮዓ ዎደና ፑርታ ባኣዚ ሌሊ ማዳንታኔ። 22 ታኣኮ ጋሮ ዒና ጋዓንቴ ያኦሲ ዎጎና ዎዛዳኔ። 23 ማዔቴያ ታኣኮ ማሊያ ዎጎና ዎላ ካኣም ዒዒ፣ ታኣኮ ዳማ ዳማ ዑያይዳ ማዳ ጎሞ ዎጎና ዳዒንቴያ ታና ማሃ ማሌ ዎጌ ታ ጋራ ዓኣሢ ታ ዛጋኔ። 24 ዬያሮ ታ ዎዚጉዳ ላኣፓ ዓሲዳይ! ሃያ ታና ሃይቢም ዔኪ ዳንዳ ዓሽኮይዳፓ ያታና ዓውጎንዳይ? 25 ያኦሲም ጋላታ! ዬሱስ ኪሪስቶሴ ዛሎና ዬያ ዒ ማዳሢሮ።

ዓካሪ ታኣኒ ማሊያና ያኦሲ ዎጌም ዎርቃያ ማዓዛ፣ ጎሞ ማሊያና ጋዓንቴ ጎሞም ዎርቃያ ታ ማዓኔ።

8

ዓያና ጌኤሺና ጴዳ ናንጊ

1 ዓካሪ ሃሣ ዬሱስ ኪሪስቶሴና ፔቴም ዓኣዘንሢ ናንጊና ፑርታ ዎጌና ዎጊሳ ባኣዚ ባኣሴ። 2 ዓይጎሮ ጌዔቴ ዬሱስ ኪሪስቶሴ ዛሎና ናንጊ ዒንጋ ዓያና ጌኤሺ ዎጌ፡- ጎሚና ሃይቢ ዎጌናኮ ዓይላቶይዳፓ ታና ኬሴኔ። 3 ዓሲኮ ላቤ ማሊያይዳፓ ዔቁያና ዎጋ ኑና ዒሊሳኒ ዳንዳዒባኣታንቴ ያኦሲ ማዳኔ፤ ያኦሲ ፔ ናያ ኑና ጎሞ ዓሶ ማሊሲ ኑ ጎሞ ዛሎ ዳኪ ኑኡኮ ጎሞ ማሊያ ናንጊና ዎጊ ባይዜኔ። 4 ዬያ ዒ ማዳሢ ዓሲ ማሊሢናቴዎንቴ ዓያና ማሊሢና ሃንታ ዓሶ፡ ኑጊዳ ፒዜ ማዔ ዎጎ ዓይሢዓ ማዳንቴ ኩማንዳጉዲኬ። 5 ዓሲ ማሊሢና ናንጋዘንሢ፡- ዓሲ ባኣዚ፤ ዓያና ማሊሢና ናንጋዘንሢ ጋዓንቴ ዓያና ባኣዚ ማላኔ። 6 ዓሲ ባኣዚ ማሊሢ ሃይቢ ዔኪ ሙካኔ፤ ዓያና ባኣዚ ማሊሢ ጋዓንቴ ሽምፖና ኮሹዎና ዒንጋኔ። 7 ዓይጎሮ ጌዔቴ ዓሲ ባኣዚ ዛላ ማላ ዓሲ ያኦሲ ዎጌም ዓይሢንቴዎያ ሃሣ ዓይሢንታኒያ ዳንዳዑዎያ፣ ያኦሲኮ ዎርኬ ማዓኔ። 8 ዓሲ ማሊሢ ማሊ ሃንታዘንሢ ያኦሲ ዎዛሳኒ ዳንዳዑዎሴ።

9 ዒንሢ ጋዓንቴ ያኦሲኮ ዓያና ዒንሢዳ ዓኣቶ ዓያናና ማዓንዳፓዓቴም ዓሲ ማሊሢና ዒንሢ ናንጋዓኬ፤ ኪሪስቶሴ ዓያና ባኣ ዓሲ ኪሪስቶሴ ዓሲቴዎሴ። 10 ኪሪስቶሴ ዒንሢ ጋራ ማዔቴ፣ ዎዚ ዒንሢኮ ዑፃ ጎሞ ዛላና ሃይቃያ ማዔቴያ ያኦሲ ዒንሢ

ዲሊሴሢሮ ዓያና ዲንሢኮ ርንገና ርንጋያኬ፤ 11 ዬሱሴ ሃይባገ ዔቁሴ፣ ያኦሲ ዓያና ዲንሢዳ ዓኣቶ ዬሱሰ ኪሪሰቶሴ ሃይባገ ዔቁሴ፣ ያኦዛሢ ዲንሢዳ ርንጋ ዓያኖ ዛሎና ዲንሢኮ ሃይቃ ዑያም ሹምፖ ዲንጋንዳኔ።

12 ዬያሮ ታ ዲሾንሦ! ታ ሚሾንሦ! ኑኡኒ ርንጋኒ ኮይሳ ጎይሢ ዓኣኔ፤ ዬና ኮይሳ ጎይፃላ ዓሲ ማሊሢና ኑ ርንጋንዳጉዲቱዋሴ።

13 ዓሲ ማሊሢ ማሊ ዲንሢ ርንጋያታቱ ሃይቃንዳኔ፤ ዓያና ጌኤሺ ዋልቁና ዓሲ ማሊሢ ማዶ ዲንሢ ባሼቱ ጋዓንቱ ሹምፖና ዲንሢ ርንጋንዳኔ። 14 ያኦሲ ዓያና ዓይሢ ጎይያ ዓኣዳዞንሢ ሲያ ያኦሲ ናይኬ። 15 ዬያሮ «ዓዴ» ጌይ ዲንሢ ዔኤላንዳ ያኦሲ ናይ ማሃ

ዓያና ዲንሢ ዔኬኔ፤ ጊንሢ ዓጊቹምና ርንጋኒ ካራሙሞ ዓያና ዲንሢ ዔኪባኣሴ። 16 ያኦሲ ዓያና ኑ ዓያኖና ዋላ ማዒ ያኦሲ ናይ ኑኡኮ ማዒያ ኑም ማርካዳኔ። 17 ዓካሪ ኑኡኒ ያኦሲ ናይ ማዔያታቱ ኪሪሰቶሴና ዋላ ዬያ ሃጊ ማዓንዳ ዋዛ ሲያ ኑ ዴንቃንዳኔ፤ ሃሢ ኑ ኪሪሰቶሴ ሜታዴ ሜቶ ዔካያ ማዔቱ ሃጊ ዲዛና ዋላ ኑ ቦንቹንታንዳኔ።

ሃጊ ሙካንዳ ቦንቾ

18 ኑኡኮ ሃሣኣ ዋዶ ሜታሢ ሃጊ ኑም ጴዳንዳ ቦንቾና ዋላ ቤቁሦዛኮሺ ዳካኬ ታ ጋዓኔ። 19 ማዢንታ ሲያ ያኦሲኮ ርኣታ ፔጋዲ ጴዳንዳሢ ጴኔፒ ማሊሢ ጌሢ ካፓኔ። 20 ማዢንታ ሲያ ዔኤቢ ፓሡዋ ባኣዚ ማዓንዳጉዲ ርንገና ዔያቶይዳ ዋጊንቱኔ፤ ዬይያ፡- ማዢንታ ፔ ማሊሢናቱዋንቱ ያኦሲ ማሊሢና ማዔኔ፤ ማዔቱያ ዬይ ሃጊ ማዓንዳ ዋዛ ዔያቶም ዓኣኔ፤ 21 ዬይ ሃጊ ማዓንዳ ዋዛ ማዢንታ ፔ ቶኣኪና ባይሲንታ ካራሙሞይዳፓ ኬሰከ፣

ያኦሲ ርኣቶና ዋላ ካራሙሞ ባኣያ ቦንቾ ርንገ ርንጋንዳጉዲኬ። 22 ማዢንታ ሲያ ሃኖ ሄላንዳኣና ሸይቹ ባኒሢ ሜታሳ ሜቶጉዴያና ሜታዲሢዳ ዓኣሢ ኑ ዔራኔ። 23 ጋዓንቱ ሜታዲያይዳ ዓኣሢ ማዢንቶ ሌሊቱዋንቱ ቤርታዲ ዓያኖ ጌኤዢ ዲንጊንቱም ዔኬ ዓሳ፣ ኑኡኒያ ያኦሲ ናይ ማዔሢ ዲዚ ፔጋሳንዳ ኬሎ ሃጊ ማዓንዳ ዋዛና ካፒ ካፒ ኑኡኮ ጋሮ ማሊያና ኑ ሜታዲሢዳ ዓኣኔ፤ ዬካፓ ኑኡኮ ዓይሌ ማዒፃ ዓታንዳኔ። 24 ዓይጎሮ ጌዔቱ ኑኡኒ ዳቁሢ ዬያ ሃጊ ማዓንዳ ዋዛናኬ። ጋዓንቱ ዬይ ዋዛ ኑ ማሄ ባካ ጴዳ ባኣዚ ማዔቱ ሃጊ ማዓንዳ ዋዛ ዋዛ ማዒፃ ዓቱኔ ጌይሢኬ፤ ጴዳ ባኣዚ ያኦሲ «ሃጊ

8:11 8:11 1ቆሮ. 3:16። 8:15 8:15 ማር. 14:36፤ ጋላ. 4:6። 8:17 8:17 ጋላ. 4:5-7። 8:20 8:20 ማዢ. ማፃ 3:17-19። 8:23 8:23 2ቆሮ. 5:2-4።

ማዕንዳ ዋዛኬ» ጋዕንዳይ? 25 ጴዳዎ ባኣዚ ሃጊ ማዕንዳ ዋዛ ኑ ማሃያ ማዕቶ ገቢ ዳንዳዓሢና ኑ ካፓንዳኔ።

26 ዋያይዲ ሺኢቃኒ ኑም ኮይሳቴያ ኑ ዔሩዋኣሢሮ ዓያና ጌኤሺ ኑ ላቤ ዎዶና ኑና ማኣዳኔ፤ ገንሣ ሃሣ ሃያኬ ጌይ ኬኤዚንቱዋ ጎይሢና ሜታዲ ማሊ ኑ ሺኢጲዎ ያኑሲም ሺኢሻኔ። 27 ዓሲኮ ዒና ዳንቃ ያኑሲ፣ ዓያኖ ጌኤዠኮ ማሊዎ ዓይጎ ማዕቴያ ዔራኔ፤ ዎይቲ ጌዔቴ ዓያኖ ጌኤዠኮ ያኑሲም ዲማዴ ዓሶኮ ሺኢጲዎ ያኑሲም ሺኢሻሢ ያኑሲ ማሊዎጉዴያታሢሮኬ።

28 ያኑሲ ዒዛናሽካዘንሢና ዒዛኮ ማሊዎጉዴያ ዔኤለንቱ ዓሶም ያኑሲ ቢያ ባኣዚ ኮይሳያ ማሂ ማዳሢ ኑ ዔራኔ። 29 ዓይጎሮ ጌዔቴ ያኑሲ ናዓሢ ሚርጌ ጌርሲንሢኮ ባኣካ ቶይዲ ማዕንዳጉዲ ያኑሲ ቤርታዲ ዶኑሪዘንሢ ዒዛኮ ናዓሢ ማላንዳጉዲ ጌዔሢሮኬ። 30 ቤርታዲ ዒዚ ማሌዘንሢ ዔኤሌኔ፤ ዔኤሌዘንሢ ሃሣ ሂሎ ማሂ ዛጌኔ፤ ሂሎ ማሂ ዒ ዛጌዘንሢ ቦንቺሴኔ።

ያኑሲ ናሹዋ

31 ዓካሪ ሃያ ባኮ ዛሎ ኑ ዎዚ ጎዖንዳይ? ያኑሲ ኑኡና ዎላ ማዕቴ ያ ኑና ዒዳ ማካኒ ዳንዳዓይ? 32 ፔኤኮ ፔቴ ናዓሢ ሚጩንቱዎዎ ኑ ዛሎሮ ዓኣሢ ዒንጌ ያኑዛሢ ቢያ ባኣዚ ኑም ዒንጋንዳሢ ዔርቴያኬ። 33 ያኑሲ ዶኑሪዘንሢ ያኑኒ «ዳቤያኬ» ጋዕኒ ዳንዳዓይ? ሂሎ ማሂ ዛጋሢ ዒዛኬ። 34 ዬያሮ ዔያቶይዳ «ዔያታ ዳቤያኬ» ጌይ ዎጋንዳሢ ያናዳይ? ዬሱሰ ኪሪሰቶሴ ዔያቶይዳ ዎጋንዳ? ዒዚ ዔያቶይዳ ዎገንዳዎሴ፤ ዓይጎሮ ጌዔቴ ዒዚ ኑ ጋይቴ ሃይቁ፣ ሃይቢፓ ዔቁ ያኑሲኮ ሚዛቆ ዛላ ዳዒ ኑ ሺኢጲዎ ያኑሲም ሺኢሻሢሮኬ። 35 ዓካሪ ኪሪሰቶሴ ናሹዋይዳፓ ዓይጌ ኑና ዲማሳንዳይ? ሜቶታቴያ፣ ኮሺ ዑሣ ዓኣዴ ሜቶታቴያ፣ ዒዳ ዳውሲሢታቴያ፣ ናይዚታቴያ፣ ካሎዎታቴያ፣ ዎዳንዳ ባኣዚታቴያ፣ ጩንቻ ዓፓሮና ዎዳያታቴያ ኑና ዲማሲንዳዎሴ። 36 ዬይያ፡- «ኔ ጋይቴ ጌዒ ቢያ ኬለና

ሃይቢና ኑ ያልታኔ፤

ሹኪንታ ማራይጉዲ ኑ ማዕኔ»
ጌይንቲ ያኣፒንቱሢጉዲኬ። 37 ዓካሪ ኑና ናሽኬ፣ ኪሪሰቶሴ ዛሎና ዬንሢ ባኮንሢ ቢያ ባሺያና ዎልቆሮንሢዳፓ ቢያ ኑ ባሻያኬ። 38 ዬያሮ ሃይቢ ማዕቴያ ናንጌ፣ ያኑሲ ኪኢታንቸ ማዕቴያ ፑርታ ዓያና፣ ሃሢ ዓኣ ባኣዚታቴያ ሃጊ ሙካንዳያ፣ ዓይጎ ዎልቆ ማዕቴያ፣ 39 ዴጉዎ ማዕቴ ሂርኩዎ፣ ዓይጎ ማዠንቲ ማዖም ኑ ጎዳሢ ዬሱሰ

8:36 8:36 ዓይኑ. 44:22::

ኪሪሰቶስ ዛሎና ኑሞ ጳጳ ያኑሲ ናሹሞይዳፓ ኑና ዲማሳኒ ዳንዳዓ ዓይጎ ባኣዚያ ባኣሢ ጎኔና ኑ ዔራኔ።

9

ያኑሲ ዒሰራዔኤሌ ዳሮ ደኑሬያ ማዒያ

1 ታኣኒ ኪሪሰቶስ ዓሲታሢሮ ጎኔ ከኤዛፓዓቴሞ ሉኡቁዋሴ፤ ዓያና ጌኤሺ ዔኪ ዓኣዳ፣ ታኣኮ ጋሮ ዒና ታ ሉኡቁዋኣሢ ታኣሞ ማርካዳ። 2 ዴኤፒ ያዩሢና ጋፑዋ ማሊሢና ታኣኮ ዒና ዓኣኔ፤ 3 ታኣኮ ዓሽኮ ባሺኖ ማዔ፣ ታ ፃጸ ዛሎሮ ኪሪሰቶሴይዳፓ ዲማዳሞ ያኑሲ ጋደማ ታና ሄላቶ ቃራታዎኔ። 4 ዒሰራዔኤሌ ዓሳ ያኑሲኮ ደኑሪጎቴ ዳሬከ፤ ያኑሲያ ዔያቶ ፔ ናይ ማሄኔ፤ ፔ ቦንቾዋ ዔያቶም ዳዌኒ፤ ጫኣቁሞዋ ዔያቶና ዒ ጫኣቄኔ፤ ዋጌያ ዔያቶም ዒጎጌኔ፤ ጎኔ ካኣሺያ ዔያቶም ዳዌኔ፤ ሃጊ ማዓንዳ ዋዛ ቃኣላኣ ዔያቶም ዒጎጌኔ። 5 ዔያታ ሾይጎቶና ዓደንሢ ፃጸፓ ሙኩያከ፤ ኪሪሰቶሴያ ዓሲ ማዒ ሾይጎቱሢ ዔያቶይዳፓከ፤ ዒዚ ጋዓንቴ ቢያሢዳፓ ዑሣ ማዔያከ፤ ሃሣ ዓንጂጎቴ ያኑሲከ፤ ዓኣሜን።

6 ያዲ ማዔቴያ ያኑሲ ቃኣላ ሃሺጎቴኔ ጌይሢቱዋሴ፤ ሃሣ ዒሰራዔኤሌ ዜርፃ ጉቤ ጎኔ ዒሰራዔኤሌ ዓሲከ ጌይሢቱዋሴ። 7 ዬያጉዲ ሃሣ ዓብራሃሜ ዜርፃ ቢያ ያኑሲ ናይከ ጌይሢቱዋሴ፤ ዋይቲ ጌዔቴ ያኑሲ ዓብራሃሜም፡- «ዜርፃ ኔኤኮ ዔኤሊጎታንዳሢ ዪሳኣቄ ዛሎናከ» ጌዔሢሮከ። 8 ዬያሮ ዓብራሃሜይዳፓ ሾይጎቴ ሌሊ ሾይጎቴ ዓሳ ያኑሲ ናይቱዋሴ፤ ጋዓንቴ ዓብራሃሜ ዜርፃ ማዒ ፓይዲጎቴዘንሢ ሃጊ ማዓንዳ ዋዛ ዒጎጊጎቴ ናኣቶከ። 9 ዬይ ያኑሲ ዒጎጌ ዋዛ፡- «ሙካ ለዓ ሃይማ ዋደ ታ ሙካንዳኔ፤ ሳኣራ ዒማና ዓቲንቁ ናይ ሾዓንዳኔ» ጋዓያከ።

10 ዬያ ሌሊቱዋንቴ ኑ ፃጸ ማኣሮኮ ዓዳሢ ማዔ፣ ዪሳኣቁም ዒርቢቃ ሜንቴ ናይ ጎጳዳ ዋደና፣ 11-12 ያኑሲኮ ደኑሪጎ፡- ማደ ዛገቱዋንቴ ደኑራኒ ኮዔሢ ደኑራኒ ዳንዳዓያ ማዔሢ ዔርዛኒ ለሞዎ ናኣታ ሾይጎቴ ፑርታኣ ማዎም ኮሺ ባኣዚ ማዳንዳሢኮ ቤርታ ያኑሲ ዒርቢቃም፡- «ቶይዲ ጌኤዚም ማዳያ ማዓንዳኔ» ጌዔኔ።

13 ዬይያ፡- «ያይቆኦቤ ታ ናሽከኔ፤ ዔኤሳዋ ጋዓንቴ ታ ዒፄኔ» ጌይጎቴ ፃኣፒጎቴሢጉዴያከ።

9:4 9:4 ከሲ. ማፃ 9:4። 9:7 9:7 ማኸ. ማፃ 21:12። 9:9 9:9 ማኸ. ማፃ 18:10። 9:11-12 9:11-12 ማኸ. ማፃ 25:23። 9:13 9:13 ሚል. 1:2-3።

14 ዓካሪ ኑ ዋዚ ጋዓንዳይ? «ጾኑሲ ዓሲ ዲማሳኔ» ኑ ጋዓኒ ዲንዳዓ? «ጾኑሲ ዓሲ ዲማሳኔ» ፔቴታጾ ኑ ጋዓኒ ዲንዳዓ-ዋሴ!

15 ዓይጎሮ ጌዔቴ ጾኑሲ ሙሴም:-

«ታ ማኣራኒ ኮዓሢ ማኣራንዳኔ፤ ሚጨንታኒ ኮዓሢ ማኣ ታ ሚጨንታንዳኔ»

ጌዔኔ። 16 ዬያሮ ጾኑሲ ዓሲ ደኦራሢ ዓሲ ማለሢና ዓሲ ማደና ዛገቱዋንቴ ዒዛኮ ማኣራያናኬ። 17 ያዲታሢሮ ጌብዳ ካኣቲም:- «ታ ዋልቆ ኔ ዛሎና ታ ዲዋኒና ሱንፃኣ ታኣኮ ዓጮ ቢያይዳ ዔርቴያ ማዓንዳጉዲ ታ ኔና ካኣታሴኔ» ጌይንቲ ፃኣፒንቴኔ። 18 ዬያሮ ጾኑሲ ኮዔሢ ማኣራኔ፤ ዒና ባይቃንዳጉዲ ዒ ኮዔሢኮ ዒና ማሉዋጉዲ ደዲሻኔ፤

ጾኑሲኮ ጎሪንቶና ማኣራያና

19 ዓካራ:- «ጾኑሲ ማለሢ ማካኒ ዲንዳዒንቱዋያ ማዔቴ ጾኑሲ ዓሰ ዓይጎሮ <ፑርታ ማዳኔ> ጌይ ጎራይ» ጋዓይ ናንዳኔ። 20 ሃይ ዓሢ ኔ! ጾኑሲና ዋላ ማርማኒ ዓይጎ ዋልቆ ኔኤኮ ዓኣይ? ማዢንቴሢ ማዢሢ ኮራ:- «ኔ ታና ዓይጎሮ ሃያይዲ ማዢይ?» ጋዓኒ ዲንዳዓ?

21 ጾቲ ማዢሢ ዢኢጩ ዓጨዲፓ ዔኪ ፔቴ ባኤሎ ቦንቹንታያ ማሂ፤ ባጎዞ ቦንቹንቱዋያ ማሂ ማዢኒ ዲንዳዓ-ዋዳዳ?

22 ጾኑሲ ዲጎ ጎሪንቶ ፔኤኮ ዲዋኒና ዋልቆ ፔኤኮ ዔርዛኒ ኮዒ ባይሰንቶም ጌኢጊንቴዞንሢ ሚርጌና ጌቢ ዲንዳዓያ ማዔቴሽ!

23 ዬያ ዒዚ ማዳሢ ቤርታዲ ቦንቹም ዒ ጌኢጊሹ፥ ዒ ማኣሪ ዓሰም ዒዛኮ ቦንቹ ዴኤፑም ዲዋኒኬ። 24 ዒ ማኣሪ ዓሰ ዓይሁዲፓ ሌሊቱዋንቴ ዓይሁዴ ማዒባኣ ዓሰይዲፓኣ ኑና ዔኤሌኔ። 25 ዬይያ:- ጾኑሲ ማሊያ ከኤዛ ሆሴዔ ዛሎና

«ታ ዴሬ ማዒባኣ ዓሰ

ታ ዴሬ! ጌይ ታ ዔኤላንዳኔ፤

ታ ናሽኩዋ ዴሮ ታኣኒ ናሽካዞንሢ!»

ጌዒ ታ ዔኤላንዳኔ፤

26 ዔያታ <ዒንሢ ታኣኮ ዴሬቱዋሴ> ጌይንቴ ቤዞይዳ

<ናንጊና ባይቁዋ ጾኑዛሢ ናኣቶ> ጌይንታንዳኔ»

ጌይንቴሢፕቶዳያኬ።

27 ጾኑሲ ማሊያ ከኤዛ ዒሲያሴ

ዒሰራዔኤሌ ዓሰ ዛሎ ዑኡዞ ዴጊዲ:-

«ዒሰራዔኤሌ ናኣቶኮ ፓይዳ

9:15 9:15 ኬሲ. ማፃ 33:19። 9:17 9:17 ኬሲ. ማፃ 9:16። 9:20 9:20 ዒሲ. 29:16፤ 45:9። 9:25 9:25 ሆሴ. 2:23። 9:26 9:26 ሆሴ. 1:10።

ባዘ ማክሻሎጉዲ ሚርጌቴያ
 ዔያቶይዳፓ ደቃንዳዞንሢ ደካ ሌሊኩ።
 28 ዩይያ ጾኑሲ ናጉዋዎ
 ሩኡሪና ዓጮይዳ ዋጋንዳሢሮኩ» ጌዔኔ።
 29 ዩያጉዲ ሃሃ ዒሲያሴ ኬኤዛዎ፡-
 «ቢያ ባኮ ዋይሃ ጎዳሢ ዜርዎ ኑኡኮ ዓይሲባኣያታቴ
 ሰደሜና ጋሞራና ካታማ ባይቄሢጉዲ
 ኑኡኒ ሄኤዶ ባይቄያ ናንዳንቴኩ» ጌይ ቤርታዲ ኬኤዜኔ።
 30 ዓካሪ ኑ ዋዚ ጎዎንደይ? ኪሪሰቶሴ ጉሙርቁሢና ጴዳ ዒሉሞ
 ላቢ ኮሲባኣ፡ ዓይሁዳቴዋ ዓሳ ዴንቄኔ፤ 31 ጋዓንቴ ዋጌይዳፓ ጴዳ
 ዒሉሞ ኮዔ፡ ዒሰራዔኤሌ ዓሳ ዋጎ ኩንሢኒ ዳንዳዒባኣሢሮ ዒሉሞ
 ዴንቃኒ ዳንዳዒባኣኦ። 32 «ዓይጎር ዒሉሞ ዴንቁባኣይ?» ጌዔቴ
 ዔያታ ዒሉሞ ዴንቃኒ ኮዔሢ ጾኑሲ ጉሙርቁሢናቴዋንቴ ማደና
 ማዔሢሮ ደቃ ሹጫሢዳ ዔያታ ደቁንቴኔ፤ 33 ዩይያ፡-
 «ሃይሾ፤ ዓሲ ደቃ ሹቲ
 ዒዮኔይዳ ታ ጌሢኔ፤
 ዩይ ሹጫሢ ዓሲ ደቁ፡ ዓጋ ላሌኩ።
 ዒዛ ጉሙርቃሢ ጋዓንቴ ቦርሲንታዓኩ»
 ጌይንቴ ጻኣፒንቴሢጉዲኩ።

10

ዒሰራዔኤሌ ዓሳ ጾኑሲ ጎይያ ዓኣዲባኣሢ

1 ታ ዒሾንሃ! ታ ሚሾንሃ! ታኣኮ ዒኖይዳ ዓኣ ጴኤፖ ማሊያና
 ጾኑሲ ታ ሺኢቃ ሺኢጲፃ ዒሰራዔኤሌ ዓሳ ደቃንዳጉዲኩ። 2 ጎኔና
 ዔያታ ዔሩዋዎ ማዳኔ፤ ጾኑሲ ዛሎ ባኮ ዒናፓ ናሽካ ዓያና ዔያቶኮ
 ዓኣሢ ታ ቶኦኪና ዔያቶኮ ማርካኩ። 3 ጾኑሲ ዓሶ ዒሎ ማሂ ዛጋ
 ጎይያ ዔያታ ዔሩዋዎ ዔያታ ፔኤሮ ዒላኒ ኮሲያና ጾኑሲ ዒሉሞም
 ዓይሢንቴባኣኦ። 4 ዓሲ ቢያ ኪሪሰቶሴ ጉሙርቁሢና ዒላንዳጉዲ፡
 ሙሴኮ ዓሶ ዋይሃ ዋጋ ኪሪሰቶሴና ኩሜኔ።

ደቁንታ ቢያ ዓሲሞ ማዒያ

5 ዋጎ ኩንሢሢሢና ጴዳ ዒሉሞ ዛሎ ሙሴ ጻኣፔሢ፡- «ዋጎ ኩንሢሢሢ
 ቢያ ሹሞፔና ናንጋንዳኔ» ጋዓያኩ። 6-7 «ኔኤኒ ዒኖና <ፔቴ ዓሲ
 ኪሪሰቶሴ ኬይሳኒ ሌካ ጫሪንጮ ኬሰኮንጎ፣ ጌዒፖ፤» ሃሃ «ኔ
 ዒኖና <ፔቴ ዓሲ ኪሪሰቶሴ ኬሳኒ ሃይቄ ዓሳ ዓኣ ቤዞ ኬዶንጎ»

9:28 9:28 ዒሲ. 10:22-23። 9:29 9:29 ዒሲ. 1:9። 10:5 10:5 ሉዊ.
 ዓኩ 18:5።

ጌይፖ» ዬይ:- ኪሪሰቶስ ሃይካኬ፤ ያኦሲ «ጂሎኬ» ጌይ ዛጋ ዓሳ ያዲ ጎዑቆስ።

8 ሃሣ ገንሣ:- «ያኦሲኮ ቃኦላ ኔኤኮ ኮይላኬ፤ ፔቶ ሃሣ ኔኤኮ ዲንጎና ዒኖናይዳኬ» ጌይንቲ ፃኦፒንቴኔ። ዬይ ቃኦላ ኦኡኒ ኬኤዛ ጉሙርቂዖ ቃኦሎኬ።

9 ዬሱሴ ጎዳ ማዔሢ ኔ ዒኖና ኔ ማርካዲ ያኦሲ ዒዛ ሃይባፓ ዔቂሴሢያ ኔ ጉሙርቂቶ ዲቃንዳኔ። 10 ዓይጎር ጌዔቴ ዓሲ ፔ ዒኖና ጉሙርቂቂ ጂላኔ፤ ፔ ዲንጎና ማርካዲ ዲቃኔ፤ 11 ዬይያ:- «ዒዛ ጉሙርቃሢ ቢያ ቦርሲንቲንዲቆሴ» ጌይንቲ ፃኦፒንቴሢፓዲያኬ።

12 ዓካሪ፤ ፔቴ ያኦዛሢ ቢያሢኮ ጎዳ ማዔሢር ዓይሁዴ ዓሶና ዓይሁዴ ማዒባኦ ዓሶና ባኦካ ዲሙሞ ባኦሴ፤ ዒዚ ኮሺ ያኦሲ ማዔሢር ሺኢቃዘንሢም ቢያ ዲቂንቶ ዓንጅ ሚርጌና ዒንጋኔ፤ 13 ዓይጎር ጌዔቴ ጌኤኮ ማፃኦፓይዳ:- «ጎዳ ማኦዳንዳጉዲ ዔኤላሢ ጉቤ ዲቃንዳኔ» ጌይንቴኔ።

14 ጋዓንቴ ዒዛ ጉሙርቂባኦታዖ ዎይቲ ዔያታ ዔኤላኒ ዳንደዓይ? ሃሣ ዒዛ ዛሎ ዎይዚ ባኦዖ ዎይቲ ዔያታ ጉሙርቃንዳይ? ዔያቶም ኮኮ ሃይሶ ቃኦሎ ኬኤዛ ዓሲ ባኦንቴ ዎይቲ ዔያታ ዎይዚ ዳንደዓንዳይ? 15 ጌኤኮ ማፃኦፓይዳ ኮኮ ሃይሶ ቃኦሎ ኬኤዛዘንሢ ኬኤዘም ዳኪንቲባኦያታቴ ዎይቲ ዔያታ ኬኤዛኒ ዳንደዓንዳይ? «ኮኮ ሃይሶ ኬኤዛ ዓሶኮ ቶካ ዎዚጉዴ ኮሺዳይ?» ጌይንቲ ፃኦፒንቴሢፓዲኬ። 16 ጋዓንቴ ያኦሲ ማሊያ ኬኤዛ ዒሲያሴ:- «ጎዳሢያ! ኦኡኒ ኬኤዛ ቃኦሎ ያኦኒ ዔኤይ?» ጌዔሢጉዲ ቢያሢ ኮኮ ሃይሶ ቃኦሎ ዔኪባኦሴ። 17 ዓካሪ፤ ኪሪሰቶስ ጉሙርቂሢ ጴዳሢ ኮኮ ሃይሶ ዎይዚዳፓኬ፤ ኮኮ ሃይሳኦ ኪሪሰቶስ ዛሎ ኬኤዛሢ። 18 ሂንዳ ታ ሂዚ ጎም፤ ኮኮ ሃይሶ ዔያታ ዎይዚባኦሴ ጌይሢዳ? ጌኤኮ ማፃኦፓይዳ:- «ኮኮ ሃይሳ ዓጮ ቢያይዳ ኬኤዚንቴኔ፤

ዬይ ዑኡዛ ዓጮኮ ጋፖ ሄሌኔ» ጌይንቲ ፃኦፒንቴሢፓዲ፤ ጎኔና ዒሰራዔኤሌ ዓሳ ዎይዜያኬ።

19 ሃሣ ዒሰራዔኤሌ ዓሳ ኮኮ ሃይሶ ዔሪባኦሴ ጌይሢዳ? ዬይ ያዲ ጌይንቱዎጉዲ ሙሴ ሃያኮ ቤርታ:-

«ቦሂንቴ ዓሶ ዓሲ ማሂ
«ዎይቲ ዔያታ ኦጉዲ ማዔይ» ታ ዒንሢ ጌይሲሳንዳኔ፤

ዔኤቢ ዔራዎ ዓሶ ዔርዚ

10:8 10:8 ላሚ. ዎማ 30:12-14። 10:11 10:11 ዒ.ሲ. 28:16። 10:13 10:13 ዓ.ዩ. 2:32። 10:15 10:15 ዒ.ሲ. 52:7። 10:16 10:16 ዒ.ሲ. 53:1። 10:18 10:18 ዓይኔ. 19:4።

ታ ዒንሢ ደጋሳንዳኔ» ጌዔኔ።
 20 ያኦሲ ማሊያ ከኤዛ ዒሲያሴ ሃሣ፡-
 «ታና ኮዒባኣሢሞ ታ ጴዳኔ፤
 «ያኦሲ ዓንካዳይ?» ጌይ ታና ያኦጪባኣዘንሢሞ ታ ፔጋዲ ጴዳኔ»
 ጌዒ ጫርቂ ከኤዜኔ።
 21 ጋዓንቴ ዒሰራዔኤሌ ዓሶ ዛሎ ከኤዛዎ፡-
 «ዓይሢንቴዎ፣ ዒፃ ዴሬ
 ታ ባንሢ ሙካንዳጉዲ
 ቢያ ዎዴ ኩጮ ታ ቤኤዜኔ» ጌዔኔ።

11

ያኦሲ ዒሰራዔኤሌ ዓሶ ፔቶ ሃሺባኣያ ማዒያ

1 ሂንዳ ታ ሃሃ ሂዚ ጎዎም፤ ያኦሲ ፔ ዴሮ ሃሺያ? ፔቴታዎ ሃሺባኣሴ! ታኣኒ ታ ቶኦኪና ዓብራሃሜ ዜርፃፓ ሃሃ ቢኢኒያሜ ማኣራፓ ማዔያ ዒሰራዔኤሌ ዓሲከ። 2 ዬያሮ ያኦሲ ቤርታዲ ደኦሬ ዴሮ ሃሺባኣሴ፤ ጌኤዦ ማፃኣፓ ዔኤሊያሴ ዛሎ ዎዚ ጌዔቴያ ዒንሢ ጸቂሡዎዓዳ? ሃሃ ዒሰራዔኤሌ ዴሮ ማዴ ባኮ ዎዚ ጌዒ ያኦሲም ዒዚ ፑሽከቴያ ዒንሢ ዔሩዎዓዳ? 3 ዒማና ዔኤሊያሴ፡- «ጎዳሢያ! ኔ ማሊያ ከኤዛዘንሢሞ ዔያታ ዎዴኔ፤ ኔኤም ዒንጎ ባኮ ዒንጊ ካኣሽኮ ቤዘዎ ሻሄም ታኣኒ ሌሊ ዓቴኔ፤ ታናኣ ሃሃ ዔያታ ዎዳኒ ኮዓኔ» ጌዔኔ። 4 ጋዓንቴ ያኦሲ ዒዛም ማሃዎ፡- «ጎኔ ያኦሲ ማዒባኣ፣ ባዓኣሌ ጎዎ ያኦዞ ካኣሽኪባኣ ላንካይ ሺያ ዓሲ ታኣኮ ዓኣኔ» ጌዔኔ። 5 ሃሢ ማዔቴያ ያኦሲኮ ኮሹሞ ዒንጊያና ደኦሪንቴ ዳካ ዒሰራዔኤሌ ዓሲ ዓኣኔ። 6 ያኦሲኮ ደኦሪያ ኮሹሞ ዒንጊያና ማዔቶ ማደናቴዎሴ ጌይሢከ፤ ዎንዴ ማደና ማዔቴ ያኦሲኮ ኮሹሞ ዒንጊያ ኮሹሞ ዒንጊሢ ማዒንዲዎያታንቴከ።

7 ዓካሪ ጋፒንፃ ዓይጎ ማዔይ? ዒሰራዔኤሌ ዓሳ ዔያታ ኮዔ ባኮ ዴንቁባኣሴ፤ ደኦሪንቴዘንሢሞ ጋዓንቴ ዴንቁኔ፤ ዓቴ ዓሳ ጎኦሞ ዔራኒ ዴንዳዒባኣሴ። 8 ዬይያ ያዲ ማዔሢ፡-
 «ያኦሲ ዒኖ ዔያቶኮ ደጪሴኔ፤
 ዬያሮ ሃኖ ሄላንዳኣና
 ዓኣፓ ዔያቶኮ ዴንቁዎሴ፤
 ዎያኣ ዔያቶኮ ዎይዙዎሴ»

10:19 10:19 ላሚ. ዎማ 32:21። **10:20** 10:20 ዒሲ. 65:1። **10:21** 10:21 ዒሲ. 65:2። **11:1** 11:1 ፒልጲ. 3:5። **11:3** 11:3 1ካኣቶ. ማ 19:10፤14። **11:4** 11:4 1ካኣቶ. ማ 19:18።

ጌይንቲ ፃኣፒንቴሢሮክ። 9 ዳውቴ ሃሣ፡-
«ዔያታ ሙዓኒ ቡካ ቤዛ ዓርቃ ፒሮ፤
ሃሣ ሎንሣ ዔቴ ማዒ ዔያቶ ሜታሶንጎ!

10 ዓኣፓ ዔያቶኮ ዴንቁዋጉዲ ዲሞንጎ፤
ጊኢራኣ ዔያቶኮ ሜቶና ቢያ ኬሊ ዋቦንጎ» ጌዔኔ።

11 ሂንዳ ላሚ ታ ሃሣ ሂዚ ጎጆም፤ ዓይሁዶ ዓሳ ዳቢንቴሢሮ ናንጊና ባይቃንዳጉዲዳ? ያዲቱዋሴ! ዓይሁዶ ዓሳ ዳቢንጎቶ ዛሎና ዓይሁዴ ማዒባኣ ዓሳ ዳቂንታ ዴንቁኔ፤ ዬይ ያዲ ማዔሢ ዔያታ ዓይሁዴ ማዒባኣ ዓሳ፡- «ዋይቲ ዔያታ ኑጉዲ ማዔይ?» ጋዓንዳጉዲኬ።

12 ዓይሁዶ ዓሳኮ ዳቢንታ ዓጮም ሚርጌ ዓንጅ ጴዲሴኔ፤ ሃሣ ዔያቶኮ ባለቲባኣያ ማዒፃ ዓይሁዴ ማዒባኣ ዓሳም ዓንጅ ማዔኔ፤ ዋንዴ ዓይሁዶ ዓሳ ቢያ ዳቂያ ማዔቴ ዓንጅ ዋዚ ሚርጋንዳንቴዳይ?

ዓይሁዴ ማዒባኣ ዓሳኮ ዳቂንቶ

13 ሃሢ ሃያ ታ ኬኤዛሢ ዒንሢ፤ ዓይሁዴ ማዒባኣ ዓሳምኬ፤ ዒንሢ፤ ዓይሁዴ ማዒባኣ ዓሳም ታ ኬኤዛንዳጉዲ ዳኪንቴሢሮ ታ ማዳ ማዳና ዋዛዳኔ። 14 ሃያ ታ ማዳሢ ታ ፃጰ ማዔ ዓይሁዴ ዓሳ፡- «ዔያታ ዋይቲ ኑጉዲ ማዔይ?» ጌይሳኒኬ፤ ዬይያዲያና ጎጆንቴ ዔያቶይዳፓ ፔቴ ፔቴዘንሢ ታ ዳቂቫንዳያ ናንዳኔ። 15 ጾኦሲ ዔያቶ ሃሹሢሮ ሜሌ ዓሳ ጾኦሲና ቡካያ ማዔቴ ጾኦሲ ዔያቶ ፔ ዓሲ ማሂ ዔካ ዋዶና ዋዋይታንዳያ ዒንሢም ማላይ? ዬይ ሃይቢዳፓ ዔቂሢጉዴያኬ!

16 ፔቴ ቆኦሮ ሙኑቃኮ ካራፓ ዔኪ ጾኦሲም ዲማዴያ ማሆናቴ ሙኑቃ ጉቤ ጾኦሲም ዲማዴያ ማዓኔ። ዬያጉዲ ሃሣ ፔቴ ሚሢኮ ፃጰ ጾኦሲም ዲማዴያ ማዔቴ ካኣፓኣ ዲማዴያ ማዓኔ።

17 ማኦሮ ካራ ቱኮና ዛይቶ ሪሚቶ ሚጾኮ ካኣፖ ማዔ ዓይሁዶ ዓሳ ሜቂ ኬዴ ቤዛ ጌሦና፤ ካዮ ሪሚቶ ካኣፖጉዲ ማዔ፤ ዒንሢ ዓይሁዴ ማዒባኣ ዓሳ ዔያቶም ዒንጊንታ ዓንጅ ዒንሢያ ዴንቃያ ማዔኔ።

18 ዬያሮ ዒንሢ ዓይሁዴ ማዒባኣ ዓሳ ሜቂ ኬዴ ካኣፖ፤ ዓይሁዶ ዓሳይዳ ጾቶርቂፖቴ፤ ዒንሢ ካኣፒ ሌሊ ማዔሢሮ ፃጰ ዒንሢ ኬዲ ዓርቂኔ፤ ዒንሢ ፃጰ ኬዲ ዓርቂባኣሢሮ ሄርቪንታንዳያ ዒንሢም ኮይሱዋሴ።

19 ጋዓንቴ፡- «ካኣፓ ሜቂ ኬዴሢ ኑኡኒ ዔያቶ ቤዛ ጌላንዳጉዲ ጌይኬ» ዒንሢ ጋዓንዳኣናንዳኔ። 20 ያዲ ዒንሢ ጋዓኒ ጎኔኬ፤ ጋዓንቴ ዔያታ ሜቂ ኬዴሢ ኪሪሰቶሴ ጉሙርቁዋዎ ዓቲያና ማዓዛ ዒንሢ ደዲ ዒኢካ ዴዔሢ ኪሪሰቶሴ ጉሙርቁያናኬ፤ ያዲ ማዔሢሮ

11:8 11:8 ላሚ ዋማ 29:4፤ ዓሲ. 29:10። 11:10 11:10 ዓይኑ. 69:22-23።

ዲዊሊጫንዳፓዓቲም ሦቶርሙሞ ዲንሢ ኮይሱሞሴ። 21 ዓይጎር ጌዔቲ ያኦሲ ቤርታ ማዢንቶ ካኣፖ ማዔ፣ ዓይሁዶ ዓሰም ሚጫንቲባኣያ ማዔቲ ዲንሢማኣ ሚጫንታዓኩ። 22 ዓካሪ ያኦሲኮ ሚጫንቶና ሚጫንቶ ዲዊያና ዛጉሞቲ፣ ሚጫንቶ ዲዊያ ዲዛኮ ማቂ ኬዳዘንሢም ማዓዛ፣ ሚጫንቶ ዲ ዲንሢ ሚጫንታኔ፣ ዬያ ዲ ማዳንዳሢ ዲዛ ጉሙርቂያና ዶዲ ዲንሢ ናንጌቲኬ፣ ዶዲባኣቲ ጋዓንቲ ዲንሢያ ማቂ ኬዳንዳኔ። 23 ዓይሁዶ ዓሰ ኪሪሰቶሴ ጉሙርቂያ ዲዊያ ሃሺ ማዔቲ ቤርታ ዔያታ ዓኣ ቤዘ ማማዓንዳኔ፣ ሞይቲ ጌዔቲ ያኦሲ ዔያቶ ቤርታ ዓኣ ቤዘ ማሃኒ ዳንዳዓኔ። 24 ዲንሢ፣ ዓይሁዶ ማዲባኣ ዓሰ፣ ዲንሢ ካዩ ሪሚቶ ካኣፖ ማዲ ዓኣያታዎ ዲንሢኮ ቤዘ ማዲባኣ፣ ቲኮና ዛይቶ ሪሚቶ ሚያይዳ ዓይሢንታኒ ዳንዳዔቲ ቲኮና ዛይቶ ሪሚቶ ካኣፖ ማዔ ዓይሁዶ ዓሰ ቤርታ ዔያታ ዓኣ ቤዘ ማዓኒ ሞይቲ ዔያቶም ዳንዳዒንቲንዱሞይ!

ዲሰራዔኤሌ ዓሰ ጳቃኒ ዳንዳዓያ ማዲያ

25 ታ ዲሾንሦ! ታ ሚሾንሦ! «ኮ ዔራኮ» ጌይ ሄርሺንቲፖቲ፣ ፔቲ ዓኣሺንቲ ባኣዚ ታ ዲንሢም ኬኤዛንዳኔ፣ ዬና ዓይጎዳይ ጌዔቲ ዲሰራዔኤሌ ዓሰኮ ጉሙርቆ ዲዊያ ጋፒንሢ ሄላንዳኣናቱሞንቲ ዔኤሊንቲ፣ ዓይሁዶ ማዲባኣ ዓሰ ቢያ ያኦሲ ባንሢ ሙካንዳያ ሄላንዳኣናኩ። 26 ዓካሪ፣ ዲሰራዔኤሌ ዓሰ ቢያ ጳቃንዳሢ፡-

«ዳቂሻሢ ዊዮኔፓ ኬሰካንዳኔ፣
ያይቆኦኬ ዜርዎኮ ጎሞ ባይዛንዳኔ፣

27 ጎሞ ታ ዔያቶኮ ባይዛ ሞዶና
ዔያቶና ሞላ ታ ጫኣቃንዳ ጫኣቁማ ያዲኩ»

ጌይንቲ ማኣፒንቲ ጎይያናኩ።

28 ዲሰራዔኤሌ ዓሰ ኮኩ ሃይሶ ሞይዜያ ዔኮ ዲዊያና ዲንሢ ዓይሁዶ ማዲባኣ ዓሰም ጳቂንታ ማዓንዳጉዲ ያኦሲኮ ዔያታ ሞርኬ ማዔኔ። ጋዓንቲ ዶኦሪንቲያ ዛሎታቲ ዔያታ ዓደንሢ ዛሎና ያኦሲኮ ዲጊኖኩ። 29 ያኦሲ ዶኦሪ ሃሢ ኮሹሞ ዲንጊያ ሞዲንጌሢኮ ጊንፃ ዲ ማዳ ማዶና «ዓይጋ ታ ሃዳይ!» ጌይ ማሉሞሴ። 30 ዲንሢ፣ ዓይሁዶ ማዲባኣ ዓሰ ቤርታ ያኦሲም ዓይሢንቲሞያኩ፣ ሃሢ ጋዓንቲ ዓይሁዶ ዓሰ ዓይሢንቲባኣ ዛሎና ያኦሲ ማኣሪያ ዲንሢ ዳንቁኔ። 31 ያኦሲ ዲንሢ ማኣሪሢ ዔያታ ዛጋያ ያኦሲም ዓይሢንቲሞያ ማዔኔ፣ ጋፒንፃ ጋዓንቲ ዲንሢ ማኣሪ ጎይያ ዔያቶ ማኣሪንዳኔ። 32 ዓይጎር ጌዔቲ ያኦሲ ዓሰ ቢያ ማኣሪኒ ጋዓያ፣ ዓሰ ቢያ «ዓይሢንቲሞያኩ» ጌይ ሃሽኔ፣

11:26 11:26 ዓ.ሲ. 59:20። 11:27 11:27 ዓ.ር. 31:33-34።

ጾኦሲ ሄርሺሢ

33 ጾኦሲኮ ኮሹሞና ሃኣማቶና ሃሣ ዔራቶና
ጾኦሲያ ዔራቆያኮ!

ዒ ዋጋ ዋጊፃ «ዋዚሞዳይ?» ጌይንቱዋያኮ፤
ዒ ማዳ ጎይፃኣ ዔርቱዋያኮ!

34 ጾኦሲ ማሊሢ ዔራይ ጾኦሲያ ባኣሴ፤
ዒዛ ዘራ ዓሲያ ባኣሴ፤

35 ታልፆ ማሃንዳጉዲ፥
ዒዛሞ ታልዔ ዓሲያ ባኣሴ።

36 ዋይቲ ጌዔቲ ቢያ ባኮ ማዜሢ ዒዛኮ፤ ቢያ ባኮ ናንጊሻሢያ
ዒዛኮ፥ ዒዛሞ ናንጋያኮ፤ ናንጊና ቦንቾ ዒዛሞ ማዎንጎ፤ ዓኣሜን።

12

ጾኦሲም ማዳኒ ናንጎንዶ ጎይሢ

1 ዓካሪ ታ ዒሾንሦ! ታ ሚሾንሦ! ጾኦሲ ዋዛሳያ ሃሣ ናንጊና
ባይቁዋ ዒንጎ ባኣዚ ማሂ ዒንሢ ጾኦሲም ዒንሢ ዒንጋንዳጉዲ
ዓቶም ጋዓ ጾኣዛሢ ሱንፆና ታ ዒንሢ ሺኢቃኔ፤ ዬይ ዒንሢ ዒንጋኒ
ኮይሳሢ ፒዜ ማዔያ ጎኔና ጾኦሲ ካኣሽኪሢኮ። 2 ኮሺ ሃሣ ዋዛሳያ፥
ፓጫ ባኣዚያ ባኣያ ማዔ ጾኦሲ ማሊፆ ዒንሢ ዔራንዳጉዲ ዒንሢኮ
ዒና ዓካዲ ላኣሚንቶንጎ፤ ጋዓንቲ ሃያ ዓጮ ዓሶኮ ፑርቶ ማሊፆጉዲ
ማዲፖቲ።

3 ሃሣ፡- «ዒንሢ ፔቲ ፔቲሢም ጾኦሲ ዒንጌ ጉሙርቁፆጉዴያ
ሼሌዑሞና ማላንዳፓዓቲም ዒንሢም ኮይሳሢዳፓ ዑሣ ዓኣሢ፥
ዒንሢ ደጊዲ ማሊፖቲ» ጌይ ጾኦሲ ታኣም ፔ ኮሹሞና ዒንጌ ጎይፆና
ታ ዒንሢ ዘራኔ። 4 ኦኡኮ ፔቲ ፔቲሢኮ ዑፆይዳ ዲማ ዲማ ቤሲ
ዓኣኔ፤ ዬያ ዲማ ዲማ ዑፆኮ ዲማ ዲማ ማዶ ዓኣኔ። 5 ዬያጉዲ
ኦኡኒ ሚርጌታፆ ከሪሰቶሴና ኦ ፔቲ ዑሢኮ፤ ፔቲ ዑፆኮ ዲማ ዲማ
ቤዘ ኦ ማዔ ጎይፆና ዋላ ኦ ካኣማያኮ። 6 ዬያር ጾኦሲ ፔ ኮሹሞ
ዒንጊፆና ኦም ዒንጌ ዲማ ዲማ ዒንጊፆጉዴያ ኦ ማዶም፤ ኦም
ዒንጊንቲሢ ጾኦሲ ማሊሢ ኬኤዚሢ ማዔቲ ጾኦሲ ጉሙርቃ ጎይፆማ
ኦ ኬኤዘም። 7 ኦም ዒንጊንቲሢ ማሌ ዓሲም ማዲሢ ማዔቲ ዲዲ
ኦ ማዶም፤ ኦም ዒንጊንቲሢ ዔርዚሢ ታቲ ኮይሳ ጎይፆ ኦ ዔርዘም፤
8 ኦም ዒንጊንቲሢ ዓሲ ዘሪሢ ማዔቲ ኦ ዘርም፤ ኦም ዒንጊንቲሢ
ዓሲም ዔኤቢ ዒንጊሢ ማዔቲ ዒናፓ ኦ ዒንጎም፤ ኦም ዒንጊንቲሢ

11:33 11:33 ዓ.ሲ. 55:8። 11:34 11:34 ዓ.ሲ. 40:13። 11:35 11:35
ዓ.ዮ. 41:11። 11:36 11:36 1&C. 8:6። 12:5 12:5 1&C. 12:12።

ዓሲ ወይሥህ ማዕቴ ደዲ ኑ ወይሥም፤ ኑም ዒንገንቴህ ማሌ ዓሲ ማጠገንቴህ ማዕቴ ዋዛና ኑ ማጠገንቶም፤

ናሹዋ

9 ናሹማ ዒንህከ ዑህ ማዕባኣ ናሹዋ ማጋንጎ፤ ፑርታ ባኣዚ ሻኣከንቲ፣ ኮሺ ባኣዚ ዒናፓ ማዲዋቲ። 10 ከሪሰቶሴ ዛሎና ዒንህ ዋሊኮ ጌርሲንህ ሃህ ጌሮንህ ማዕህሮ ዋሊ ዒናፓ ናሽከንቲዋቲ፤ ማሌ ዓሲ ዒንህ ሶንቻሰካፓ ባሼ ሶንቻኒ ኮዑዋቲ፤ 11 ቤልፀዋ ሃሺ፣ ጉቤ ዒናፓ ጎዳ ዩሱሴም ደዲ ማዲዋቲ። 12 ሃጊ ማዕንዳ ባኮና ዋዛዲዋቲ፤ ማቶ ዋዴና ጊቢ ዳንዳዑዋቲ፤ ቢያ ዋዴና ሃህ ሺኢቁዋቲ። 13 ከሪሰቶሴ ጉሙርቃ፣ ዒንህከ ዒሹንህ ማቴቶ ማኣዲዋቲ፤ ሸኣቺ ማዕ ሙካዘንህያ ሸኣቺንህ ዔኩዋቲ።

14 ዒንህ ዒዲ፣ ዳውሳዘንህ ዓንጂዋቲ፤ ዓዓንጃንዳፓዓቲም ዔያቶም ጋዳንቁፖቲ። 15 ዋዛዲ ዓሶና ዋላ ዋዛዲዋቲ፤ ዩኤካ ዓሶና ዋላ ዩኤኩዋቲ፤ 16 ዋላ ፔቲ ማሊህና ጊኢጊ ናንጉዋቲ፤ ዒንህ ቶኦኮ ዲጊሲ ያቶርቁህ ሃሺ፣ ማንቆ ዓሶና ዋላ ፔቲ ማዑዋቲ፤ * «ታጊዳፓ ማሌ ዔሮ ባኣሴ» ጌይፖቲ።

17 ዓሲ ቢያም ኮሺ ባኣዚ ማዲዋቲ፤ ዓሲ ፑርታ ባኣዚ ዒንህም ማዲቲ ዒንህያ ፑርታ ባኣዚ ማህ ማዲፖቲ። 18 ዒንህም ዳንዳዒንታያ ማዕቴ ዓሲ ቢያና ኮሹዋና ናንጋኒ ዒንህ ማዲንዳያ ኮይሳ ባኣዚ ቢያ ማዲዋቲ። 19 ታ ዒሹንህ! ታ ማሹንህ! ኮሜ ያኦሰም ሃሹዋቲ፤ ዒንህሮ ኮሜ ዔከፖቲ፤ ዓይጎሮ ጌዔቲ ያኦሲ፡- «ኮም ማሃንዳህ ታናኮ» ጋዓኔ ጌይንቲ ያኣፒንቴህሮኮ። 20 ዩያሮ ኮሜ ማሃህዳፓ፡-

«ኔኤኮ ሞርካህ ናይዴቲ

ዒዛ ሙኡዜ፤

ዴኤቤቲያ ዒዛ ዑሹ፤

ዩያ ኔ ሂዴቲ ዒ ማዴ ማዳ

ዴኤፒ ዳቢንቲ ማዕህ ዒዛም ዔርታንዳኔ።»

21 ዩያሮ ፑርታ ማዶ ኮሹዋና ባባሼ፤ ፑርቲዋና ባሺንቲፖ።

12:8 12:8 1ቆሮ. 12:4-11። **12:14** 12:14 ማቲ. 5:44፤ ሉቃ. 6:28።
* **12:16** 12:16 ማንቆ ዓሶና ዋላ ፔቲ ማዑዋቲ፡- ጌይያ «ሶሃንታ ማዴ ማዲያ ናሽካያ ማዑዋቲ» ጌይህከ። **12:16** 12:16 ኮኣኪ. 3:7። **12:19** 12:19 ላሚ. ዋማ 32:35። **12:20** 12:20 ኮኣኪ. 25:21-22።

13

ዓጮ ወይህ ዓሰም ዓይሢነታኒ ኮይሳሢ

1 ዓይጎ ቢታንቶዎ ማዖም ዓንገነታሢ ያኦሲ ማለሢና ማዔሢሮ ሃሢ ዓኣ ወይህ ዓሰዎ ደኦሪሢ ያኦሲታሢሮ ዓሲ ቢያ ወይህ ዓሰም ዓይሢነታንዳያ ኮይሳኔ። 2 ዬያሮ ዓጮ ወይህ ዓሰም ዓይሢነቶ ዓፃሢ ቢያ ያኦሲ ዓይሢያዎ ዓፃያኬ፤ ዓይሢነቶ ዓፃሢ ፔ ቶኦካ ሜቶ ዔኪ ሙካንዳኔ። 3 ወይቲ ጌዔቲ ዓጮ ወይህ ዓሳ ዓጊቻሢ ፑርቶ ማዳዘንሢ ማዓንዳኦፓዓቲም ኮሺ ማዳዘንሢቱዋሴ፤ ዓጮ ወይህ ዓሰ «ዓጊጫዓ» ኔ ጋዓ? ሂዴያታቲ ኮሺ ባኦዚ ማዳ፤ ወይህ ዓሳ ኔና ጋላታንዳኔ። 4 ዓጮ ወይህ ዓሳ ኔኤም ኮሺ ማዳንዳጉዲ ያኦሲ ደኦሪም ማዳያኬ፤ ዓጮ ወይህ ዓሳ ዓንጋም ዓርቃሢ ጉሪቱዋኦሢሮ ፑርታ ኔ ማዳያ ማዔቲ ዓጮ ወይህ ዓሰ ዓጊጫ። ዓዚ ፑርታ ማዳ ዓሰ ዓርቂ ሜቶ ሄለሳንዳጉዲ ያኦሲ ጌሄያ ዓዚኮ ዓንጋምኬ። 5 ዬያሮ ዓጮ ወይህ ዓሰም ዓይሢነታንዳያ ዓንሢ ኮይሳኔ፤ ዓንሢ ዓይሢነታንዳሢ ያኦሲ ዓንሢዳ ዔኪ ሙካንዳ ጎሪንቶሮ ሌሊቱዋንቲ ዓና ዓንሢኮ ዬያይዳንዳሢ ዔራያታሢሮኬ።

6 ዓካሪ ጌኡራ ዓንሢ ጩጋሢ ዬያሮኬ፤ ዓጮ ወይህ ዓሳ ዬያ ማዳሻንዳጉዲ ያኦሲ ጌሄዘንሢኬ። 7 ዬያሮ ዓጮ ወይህ ዓሰ ዛሎና ዓንሢዳፓ ኮይነታ ባኮ ቢያ ኩንሡዋቲ፤ ጌኡራ ኮይሳሢም ጌኡራ፣ ሻንቾ ባኮ ዛሎ ጩጎሢታቲያ ጩጎዋቲ፤ ዓጊጩነታኒ ኮይሳሢ ዓጊጫዋቲ፤ ቦንቻኒ ኮይሳሢያ ቦንቹዋቲ።

ዋሊ ናሽኪሢ

8 ዓንሢ ዋሊ ሴካና ሃንጋና ናሽኩዋቲ፤ ያ ጊዳኦ ዓንሢኮ ናሽኩም ጋሌ ባኦያ ማዖንጎ፤ ዓይጎሮ ጌዔቲ ዓሲ ናሽካሢ ዋጎ ኩንሄኔ ጌይሢኬ። 9 «ማቾ ሃሢ ዓኒ ማዒ ባኦያና ላሃፖ፤ ዓሲ ዋዲፖ፤ ጩቂፖ፤ ዓሲሮ ማዔ ባኦዚ ዓይጎዋ ዘጊ ሱኡካዲፖ» ጋዓ ዓይሢያንታ ሃንጎ ዓይሢያኦ ቢያ «ዓሲ ቢያ ኔና ማሂ ናሽኬ» ጋዓ ዬና ፔቲ ዓይሢያ ዎጌሎ ጋራ ማዓኔ። 10 ዓሲ ናሽካሢ ቢያ ዓሲም ፑርታ ባኦዚ ማዳዋሴ፤ ዬያሮ ዓሲ ናሽካሢ ዋጎ ቢያ ኩንሄኔ ጌይሢኬ።

11 ዓካሪ ገንዓሰካፓ ዓንሢ ጴጫንዳ ዎዳ ሄሌሢ ዔሪጋፓ ዬያ ቢያ ማዳዋቲ፤ ዓይጎሮ ጌዔቲ ቤርታ ኦኡኒ ኪሪሰቶሴ ጉሙርቂ ዎዳይዳፓ ባሼ ሃሢ ኦኡኮ ዳቂንቶ ኬላ ኦ ባንሢ ኮሺ ዑኬኔ።

13:6 13:6 ማቲ. 22:21፤ ማር. 12:17፤ ሉቃ. 20:25። 13:9 13:9 ኬሲ. ማፃ 20:13-15፤17፤ ላሚ. ዎማ 5:17-19፤21፤ ሌዊ. ዓኬ 19:18።

12 ደማ ካራኒ ማዕረግ ደም ማደህ ሃሽ፡ ፖዎኮ ዓኣ ያሎ ዓንጋዎ ኑ ዓርቆም። 13 ሮኦሪና ሃንታ ዓሲጉዲ ዔሪ፡ ኮይሳ ናንገ ኑ ናንጎም፤ ኮይሱዋ ኮህና ማህንተህና፡ ማቾ ሃህ ዓኒ ማዒባኣያና ላሂህ፡ ላኣሊ ዓርቃኒ ኮዒ ዑህ ዓርቂ ዓማሊህ፡ ማርሞና ፑርታ ቁኢሩሞዋ ኑ ሃሾም። 14 ዬያይዳፓ ጎዳ ዬሱሰ ኪሪሰቶሴና ዋላ ፔቲ ማዑዋቲ፤ ዒንህኒ ጎሞ ማሊያዋ ኩንህኒ ማሊፖቲ።

14

ኮይሱዋ ጎይህና ዓሲዳ ዋጋንዳያ ኮይሱዋኣህ

1 ዒንህህ ባኣኮይዳ ኪሪሰቶሴ ጉሙርቂያና ደዲቱዋ፡ ላቤ ዓሲ ዓኣቶ ናሹሞና ዒዛ ዓዓርቂዋቲ፤ ኮይሱዋ ጎይህና ዒዛኮ ላቤ ማሊያይዳ ዋጊፖቲ፤ 2 ፔቲ ዓሲኮ ጎሙርቂያ፡- «ቢያ ባኣዚ ሙይንታኒ ኮይሳያኬ» ጋዓያ ማዓኒ ዳንዳዓኒ፤ ኪሪሰቶሴ ጉሙርቂያና ደዲባኣህ ጋዓንቲ ሙዓኒ ቱክናያ ሃህ ዜርቆና ሳኣሚ ሌሊ ሙዓያ ናንዳኒ፤ 3 ዬያር ጉቤ ባኮ ሙዓህ ሙዑዋኣህ ቦሆፓ፤ ቱኮ ባኮ ሙዓህ ጉቤ ባኮ ሙዓህ ዑፃ ኮይሱዋ ጎይህና «ዳቤኔ» ጌይ ዋጎፓ፤ ዋይቲ ጌዔቲ ዒዛሲያ ያኣሲ «ኮሺኬ» ጌዔህሮኬ። 4 ዓካሪ ሜሌ ዓሲም ማደህ ዑፃ ዋጋንዳያ ኔኤም ኮይሱዋሲ፤ ዓይጎር ጌዔቲ ዒዚ ሎኣሜቲያ ዔቁቲያ ዒዛኮ ጎዳ ዔራፓኣዓቲም ኔ ባኣዚቱዋሴ፤ ዒዛኮ ጎዳህ ዒዛ ዔቁሳኒ ዳንዳዓህሮ ደዲ ዒ ዔቃንዳኒ።

5 ዬያጉዲ ሃህ፡- «ፔቲ ኬላ ባጎ ኬላፓ ባሺ ቦንቲንታያኬ» ጌይ ማላይ ናንዳኒ፤ ባጋህ ሃህ፡- «ቢያ ኬላ ሄኮ ቦንቲንታኒ ኮይሳኔ» ጌይ ማላይ ናንዳኒ። ዓካሪ ዬያጉዳ ባኮ ቢያይዳ ፔቲ ፔቲህ ፔ ማሊያ ደማሲ ዔራንዳያ ኮይሳኔ። 6 ፔቲ ኬሎ ሜሌ ኬላፓ ባሺ ማሂ ቦንቻያ ዓኣቶ ዬያ ዒ ማደህ ጎዳ ቦንቻም ጌዒኬ፤ ቢያ ባኮ ሙዓህ ጎዳ ቦንቻም ጌዒ ሙዓኒ፤ ሙዓ ሙዖርዋ ያኣሲ ዒጋላታኔ። ቢያ ሙዖ ሙዑዋኣህያ ያኣሲ ቦንቻም ጌዒ ሙዑዋሴ፤ ዒ ሙዑዋዎ ሃሺያና ያኣሲ ጋላታኔ። 7 ኑዲፓ ያና ማዔቲያ ፔኤር ናንጋያና ፔኤር ሃይቃይ ባኣሴ፤ 8 ኑኡኒ ናንጌቲያ ጎዳ ዬሱሴም፡ ሃይቁቲያ ጎዳ ዬሱሴምኬ፤ ዬያር ኑ ናንጌቲያ ሃይቁቲያ ጎዳ ዬሱሴርኬ። 9 ዓይጎር ጌዔቲ ኪሪሰቶሴ ሃይቁ ሃይባፓ ዔቁህ ሺምፖና ናንጋ ዓሶና ሃይቁቲያ ናንገና ናንጋ ዓሶኮ ጎዳ ማዓኒኬ። 10 ሂዳቲ ፔቲይ ሜሊህ ዑፃ ዓይጎር ኮይሱዋ ጎይህና ዋጋይ? ሃህ ፔቲህ ባጋህ ዓይጎር

14:6 14:6 ቆላ. 2:16።

ቦሃይ? ኩኡኒ ቢያሢ ያኦሲ ዋጎ ዋጋ ቤዞ ሺኢካንዳኔ፤ 11 ዋይቲ ጌዔቲ ጎዳ፡-

«ታኣኒ ናንጊና ባይቁዋ ያኦሲኬ፤

ዓሲ ቢያ ታ ቤርታ ጉምዓቲ

ፔ ዳንጎና ታኣኒ ያኦሲ ማዔሢ ማርካዳንዳኔ»

ጋዓኔ ጌይንቲ ያኦፒንቴሢ። 12 ዬያር ኮ ፔቲ ፔቲሢ ኮ ማዳ ዛሎ ያኦሲ ቤርቶ ሺኢከ ኬኤዛንዳኔ።

ዓሲም ዲቆ ማዔሢ ኮይሱዋያታሢ

13 ዓካሪ ኑጊዳፓ ፔቲይ ባጋሢዳ ኮይሱዋ ጎይሢና ዋጊያ ሃሾንጎ፤ ሃሢ ዓሲ ዲቁሲ ጎማሲሳ ባኣዚ ማዲሢዳፓ ካፒንቶንጎ። 14 ጎዳ ዬሱስ ኪሪስቶስ ዓሲ ታ ማዔ ጎይያና ሙኡዚዳ ሙይንታኒ ኮይሱዋ ባኣዚኬ ባኣሢ ታ ዔሬኔ፤ ጋዓንቴ ፔቲ ዓሲ «ሙይንታኒ ኮይሱዋ ባኣዚኬ» ጌዒ ማላያ ማዔቲ ዬና ባኬላ ዒዛም ሙይንታኒ ኮይሱዋ ባኣዚኬ። 15 ሙኡዚ ዛላና ኔ ዒሻሢ ኔ ማሊሺ ያዩሳያ ማዔቲ ናሹሞና ዒዛና ኔ ናንጋያቱዋሴ፤ ዬያር ኪሪስቶስ ዒዛም ሃይቁ ዓሢ፤ ኔ ሙዓ ሙያ ዛሎና ጎማሲ ባይዚፖ። 16 ዓካሪ ዒንሢም ኮሺ ማዔ ባኮ ሜሌ ዓሳ ቦሃንዳጉዲ ማሢፖቲ። 17 ያኦሲ ካኣቲማ ዓያና ጌኤሺ ዛሎና ዴዳ ዂሉሞ፤ ኮሹሞና ዋዛና ማዓንዳኣፓዓቲም ሙኡዚና ዑሺና ዛላ ባኣዚቱዋሴ። 18 ዬያ ዲማሲ ዔሪ ኪሪስቶስም ማዳ ዓሲ ያኦሲ ዋዛሳንዳኔ፤ ዓሲ ቤርቲዳኣ ጋላቲንቴያ ማዓንዳኔ።

19 ዬያር ኮሹሞ ዴዳያ፤ ሃሢ ዋሊያ ሴካና ሃንጋና ደዲሻያ ማዔ ባኣዚ ኦ ማዳም። 20 ሙኡዚ ዛላና ያኦሲ ማዳ ኦ ባይዚባኣቲ ኮሺኬ፤ ሙኡዚ ቢያ ሙይንታኒ ኮይሳያኬ፤ ጋዓንቴ ሜሌ ዓሲ ዲቁ ጎማሲሳ ሙኡዚ ሙዒሢ ዳቢንቲኬ። 21 ዓሲ ዲቁ ዳቢሻ ባኣዚ ማዔቲ ዓሻከ ሙዒሢንታ ዳጋሢ ዑሺንታ ሃሢ ዬያጉዴ ሜሌ ባኮዋ ሃሺያ ቃራኬ። 22 ዓካሪ፤ ዬያ ኔኤኮ ጉሙርቁያ ኔኤና ያኦሲና ሌሊ ዔራያ ማያንጎ፤ ዓይጎር ጌዔቲ «ፒዜኬ» ጌይ ዒ ማዳ ባኮ ዒና ዒዛኮ «ኔ ዳቤኔ» ጎዑዋ ዓሲ ጋላቲንቴያኬ። 23 ሙኡዚ ዓልቲ ዓልቲ ሙዓ ዓሲ ጋዓንቴ ጉሙርቁሢና ዒ ሙዑዋኣሢር ያኦሲ ዒዛይዳ ማቶ ሄሊሳንዳኔ፤ ዋይቲ ጌዔቲ ጉሙርቁሢና ማዲንቲባኣ ባኣዚ ቢያ ጎማኬ።

15

ዓሲ ዋዛሳኒ ኮይሳያ ማዒያ

14:10 14:10 2&C. 5:10:: 14:11 14:11 ዒሲ. 45:23::

1 ኑኡኒ ከሪስቶስ ጉሙርቂያና ደዲ ማዔ ዓሳ ጉሙርቂያና ለቤ ዓሶኮ ለቢያ ዔሪ ማኣዲያ ማዓንዳኣገዓቲም ኑና ኑ ዋዛሳያ ማዓኒ ከይሱቀሱ፤ 2 ኑኡኒ ፔቴ ፔቴሢ ሜሌሢ ያኦሲ ጉሙርቂያና ደዳንዳጉዲ ሜሌ ዓሢ ማኣዲኒ ዒዛ ዋዛሳ ባኣዚ ኑ ማደም። 3 ዓይጎር ጌዔቴ ከሪስቶስ ፔና ዋዛሲባኣሴ፤ ጋዓንቴ «ኔና ጫሽኮና ጫዠ ታና ሄሌኔ» ጌይንቴ ፃኣፒንቴሢ ዒዛይዳ ማዔኔ። 4 ጌኤዠ ማፃኣፓፓ ኑ ዴንቃ ጊቢ ዳንዳዒያና ደዲያና ሃጊ ማዓንዳ ዋዛ ኑኡኮ ዓኣያ ኑና ማሃንዳጉዲ ቤርታዲ ፃኣፒንቴ ባካ ቢያ ዔራቶ ኑ ዴንቃንዳጉዲ ኑም ፃኣፒንቴኔ። 5 ዒንሢ ጌሱሰ ከሪስቶስ ጊንያ ሃንታዞንሢ ማዔሢር ጊቢ ዳንዳዒሢና ደዲሢና ዒንጋ፣ ጎዳ ፔቴሞ ዓያና ዒንሢም ዒንጎንጎ። 6 ዌይ ኑ ጎዳ ጌሱሰ ከሪስቶሱኮ ዓደ ማዔ ያኣዛሢ * ፔቴ ዒናና ፔቴ ዑኡሲና ዒንሢ ዒዛ ቦንቻንዳጉዲ ማሆንጎ።

ዓይሁዴ ማዒባኣ ዓሰም ከኤዚንቴ ኮዠ ሃይሶ

7 ከሪስቶስ ዒንሢ ቦንቸ ዔኬሢጉዲ ዒንሢያ ዋሊ ያኦሲ ቦንቸም ጌዒ ቦንቸዋቴ። 8 ሃይ ታ ከኤዛሢ ቤርታ ኑ ዓደንሢም ዒንጊንቴ ሃጊ ማዓንዳ ዋዛ ኩማንዳጉዲና ያኦሲኮዋ ጉሙርቂንቴ፣ ዓርታንዳጉዲ ከሪስቶስ ዓይሁዴ ማዒባኣ ዓሰም ማዲያ ማዔኔ ጌይኬ። 9 ከሪስቶስ ዓይሁዴ ማዒባኣ ዓሰም ማዲያ ማዔ ሜሌ ጎይ፣ ዓይሁዴ ማዒባኣ ዓሳ ያኦሲኮ ማኣሪያ ዛሎ ጋላታንዳጉዲኬ፤ ዌይያ፡-

«ዓይሁዴ ማዒባኣ ዓሰ ባኣካ ታ ኔና ጋላታኔ፤
 ኔ ሱንያዋ ዓይኑሞና ታ ጋላታኔ»
 ጌይንቴ ፃኣፒንቴሢጉዲኬ። 10 ሃሣ፡-
 «ዒንሢ ዓይሁዴ ማዒባኣ ዓሳ
 ያኦሲ ደኦሪ ዴርና ዋላ ዋዛዲዋቴ»
 ጌይንቴ ፃኣፒንቴኔ።

11 ላሚ ሃሣ፡-
 «ዓይሁዴ ማዒባኣ ዓሳ ቢያ ያኦሲ ጋላቲዋቴ፤
 ዴራኣ ቢያ ያኦሲ ጋላቲዋቴ»

ጌይንቴ ፃኣፒንቴኔ።

12 ዌያጉዲ ዒሲያሴ፡-

15:3 15:3 ዓይኑ. 69:9። * 15:6 15:6 ዓደ ማዔ ያኣዛሢ፡- ጋዓዛ ዓኮ ጫኣቁም ማፃኣፓ ቤርታዲ ፃኣፒንቴ ጌሪኮ ሙኤጮና «ጌሱሰ ከሪስቶሱኮ ያኣዛሢና ዓዳሢና ጋላቲንቶንጎ» ጋዓኔ። 15:9 15:9 2ሳሙ. 22:50፤ ዓይኑ. 18:49።
 15:10 15:10 ላሚ. ዋማ 32:43። 15:11 15:11 ዓይኑ. 117:1።

«ዳሮ ቢያ ዑፃ ካኣታዳንዳያ
ዒሴዬ ዜርፃፓ ሾይንታንዳኔ፤
ዒዛይዳ ዓይሁዴ ማዒባኣ ዓሳ

ሃጊ ማዓንዳ ዎዛ ጌሣንዳኔ»
ጌዔኔ። 13 ዒንሢኮ ሃጊ ማዓንዳ ዎዛ ዓያኖ ጌኤዠ ዎልቆና
ዲጨ ዲጨ ዓኣዳንዳጉዲ ሃጊ ማዓንዳ ዎዞ ዒንጋ፣ ጎዳ ዒንሢ
ጉሙርቁሢሮ ዎዞና ኮሹሞና ሚርጊሺ ዒንሢሞ ዒንጎም።

ጳውሎሴ ጫርቂሲ ፃኣፒሴ ባኮ

14 ታ ዒሾንሦ! ታ ሚሾንሦ! ሚርጌና ዒንሢ ኮሺ ማዔሢ
ሃሣ ሚርጌና ዒንሢ ዔራያ ማዔሢና ፔቴ ፔቴሢ ሚሌሢ ዞራኒ
ዳንዳዓያ ማዔሢ ጎኔና ታ ዔሬኔ። 15 ፔቴ ፔቴ ባኣዚ ታ ዒንሢሞ
ጳቂሢ ኮሳ ሃያ ኪኢቶ ጫርቂ ታ ዒንሢሞ ፃኣፒሢ ፃኣሲ ታኣም
ፔ ኮሹሞና ዒንጌ ጎይፃናኬ። 16 ዬይ ኮሹሞ ዒንጌፃ ታኣም
ዒንጊንቴሢ ፃኣሲኮ ኮዠ ሃይሶ ዓይሁዴ ማዒባኣ ዓሰም ቁኤሴ
ማዒ ኬኤዚ፣ ዬሱስ ኪሪሰቶሴም ማዳንዳጉዲኬ፤ ዬያሮ ዓይሁዴ
ማዒባኣ ዓሳ ዓያና ጌኤሺና ፃኣሲም ዲማዴያ ሃሣ ፃኣሲ ዎዛሳያ
ማዓ ፃኣሲም ዒንጎ ባኣዚ ማዒ ዒንጊንታንዳጉዲ ታ ማዳኔ።
17 ታኣኒ ዬሱስ ኪሪሰቶሴና ማዒ ፃኣሲም ማዳኒ ዳንዳዒፃና
ፃቶርቃኔ። 18 ታኣኒ ፃቶርቃሢ ታ ኬኤዛ ባኮና ማዳ ማዳ ዛሎና
ዓይሁዴ ማዒባኣ ዓሳ ፃኣሲም ዓይሢንታንዳጉዲ ኪሪሰቶሴ
ማሃሢሮ ሌሊኬ፤ 19 ዬያጉዲ ሃሣ ኪሪሰቶሴ ፃኣሲ ዎልቆና
ማዳንታ ዓኪ ማዳንታ ዲቃሣ ማዳዎ ዓያኖ ጌኤዠ ዎልቆና ማዲ
ዓይሁዴ ማዒባኣ ዓሳ ዓይሢንታንዳጉዲ ማሃሢሮ ታ ፃቶርቃኔ፤
ዬያይዲፃና ዬሩሳላሚይዳፓ ዴንዲ ዔልሞሪቆኔ ሄላንዳኣና ሃንቲ
ሃንቲ ኪሪሰቶሴኮ ኮዠ ሃይሶ ታ ኬኤዜኔ።

20 ቢያ ኬሊ ታ ማላሢ ሚሌ ዓሲ ቦኣኮልቁያይዳ ማዠሢ
ማዒባኣንቴ ኪሪሰቶሴኮ ሱንፃ ዎይዚንቴባኣ ቤሰካ ቢያ ኮዠ ሃይሶ
ኬኤዛኒኬ። 21 ዬያ ታ ማዳሢ፡-

«ዒዛ ዛሎ ኬኤዚንቴ ቤቂባኣ ዓሳ፣

ዒዛ ዛጋንዳኔ፤
ዒዛ ዛሎ ዎይዚ ቤቂባኣ ዓሳኣ
ጳቂሢ ዔራንዳኔ»

ጌይንቴ ፃኣፒንቴ ጎይፃናኬ።

ጳውሎሴ ሮሜ ዓጮ ዓኣዳኒ ማሌሢ

22 ሃኖ ሄለንዳኦና ዒንሢ ኮይላ ታ ሙካኒ ዳንዳዒባኣሢ ታ ዒንሢም ከኤዜ ጎይዖና ጊኢጊባኣሢሮኬ። 23 ሃሢ ታ ሃካ ዓኣ ማዶ ኩርሴሢሮ ሃሃ ሚርጌ ለዔፓ ዓርቁ ዒንሢ ዛጋኒ ሚርጌና ታ ኮዓሢሮ። 24 ዒሰፔኔ ዓጮ ታ ዳንዳዖ ዒንሢያ ዒኢና ዛጊ ዓኣዳኒ ማሌኔ። ዒኢካ ዳካ ዒንሢና ዋላ ታ ዳዔሰካፓ ጎይዖ ታ ዓኣዳንዳጉዲ ታኣም ኮይሳ ማኣዶ ዒንሢ ማኣዳንዳሢ ታ ጉሙርቃኔ። 25 ሃሢ ጋዓንቴ ኪሪሰቶሴ ጉሙርቃ ዓሰም ዒንጊንታ፡ ማኣዶ ሚኢሹ ዔኪ ዩሩሳላሜ ታ ዳንዳኔ፤ 26 ዓይጎሮ ጌዔቴ ሜቁዶኒያና ዓካይያ ጌይንታ ዓጮይዳ ዓኣ ኪሪሰቶሴ ጉሙርቃ ዓሳ ዩሩሳላሜይዳ ዓኣ ኪሪሰቶሴ ጉሙርቃ ዓሰ ባኣካ ዓኣ ማንቆ ዓሰም ሚኢሹ ማኣዶ ዳካኒ ማሌሢሮኬ። 27 ሃያ ማኣዳሢ ዔያታ ፔ ማሊሢና ዒንጌሢ ዔያቶ ኮይሳያ ማዔምኬ፤ ዋይቲ ጌዔቴ ዓይሁዴ ማዒባኣ ዓሳ ዓይሁዴ ዓሰና ዋላ ዓያኖ ዓንጅ ዳንቃያ ማዔሢሮ ዓይሁዴ ማዒባኣ ዓሳ ሳዖ ዓንጅ ዒንጊ ዓይሁዴ ዓሰ ማኣዳኒ ኮይሳሢሮኬ። 28 ዩያሮ ሃያ፡ ቡኩሶና ማኣዳሢ ሚኢሹ ዩሩሳላሜ ዔኪ ዓኣዳ ታ ዒንጌሢኮ ጊንፃ ዒሰፔኔ ዓጮ ዳንዳዖ ዒንሢ ዩማና ታ ዛጋንዳኔ። 29 ዒንሢ ኮይላ ታ ሙካኦና ኪሪሰቶሴ ዛሎና ማዓ ዓንጅ ሚርጌና ታ ዒንሢም ዔኪ ሙካንዳሢ ጉሙርቃኔ።

30 ታ ዒሹንሃ! ታ ሚሹንሃ! ታ ዛሎ ታኣና ዋላ ዶዲ ያኦሲ ሸኢጲሢና ታና ዒንሢ ማኣዳንዳጉዲ ኑ ጎዳሢ ዩሱሰ ኪሪሰቶሴና ዓያኖ ጌኤዠናኮ ናሹሞና ታ ዒንሢ ሸኢቃኔ። 31 ዒንሢ ታኣም ሸኢቃንዳሢ ዩሁዳ ዓጮይዳ ዓኣ ኪሪሰቶሴ ጉሙርቁዋ ዓሰይዳፓ ያኦሲ ታና ካፓንዳጉዲና ዩሩሳላሜይዳ ታ ማዳንዳ ማዳ ኪሪሰቶሴ ጉሙርቃ ዓሰ ዋዛሳንዳጉዲኬ። 32 ሃሢ ያዲ ማዔሢኮ ጊንፃ ያኦሲ ማሊሢ ማዔም ዒንሢ ኮይላ ታ ዋዛና ዩዒ፤ ዒንሢና ዋላ ዴዒ ሃውሻንዳጉዲኬ። 33 ኮሹሞ ዒንጋ፡ ያኦዛሢ ዒንሢ ሲያሢና ዋላ ማዖንጎ፤ ዓኣሜን።

16

ጳውሎሴ ዳኬ ጎራሢያ

1 ኪንክሪያ ካታሞይዳ ዓኣ ሸኢጲያ ማኣራ ማዳ ኑ ሚሹሎ ፔቤኔ ዛሎ ታ ዒንሢ ሸኢቃኔ፤ 2 ዒዛ ታናንታ ሜሌ ሚርጌ ዓሲ ማኣዳያ ማዔሢሮ ያኦሲ ዓሲ ሹኦቹንሃኒ ኮይሳ ጎይዖና ጎዳ ሱንዖና

15:22 15:22 ሮሜ 1:13። 15:26 15:26 1ቆሮ. 16:1-4። 15:27 15:27 1ቆሮ. 9:11።

ሾኦቹንህ ሜኪ ዲዛም ኮይሳ ባኮና ቢያ ዲንህህ ዲዛ ማኦዳንዳጉዲ ታ ዲንህህ ሺኢቃኔ።

3 ዬሱስ ኪሪስቶስም ማዲያና ታኦና ዋላ ፔቴ ማዔ፥ ጲሪስቁላና ዓቁላናም «ኮሺዳ?» ጌዔኔ ጎውዋቴ፤ 4 ዔያታ ታ ዛሎር ሃይቃኒያ ጌዔ ዓሲኬ፤ ዬያር ቢያ ዋዴ ታ ዔያቶም «ያኦሲ ዲንጎም» ጋዓኔ፤ ዬያ ታ ሌሊቱዋንቴ ዓይሁዴ ማዲባኦ ኪሪስቶስ ጉሙርቃ ሺኢጲያ ማኦር ዓሳኦ ጋዓኔ። 5 ሃሃ ዔያቶ ማኦርይዳ ሺኢቃኒ ቡካ፥ ኪሪስቶስ ጉሙርቃ ዓሳም፤ ዲሲያ ዓጮይዳፓ ቤርታዲ ኪሪስቶስ ጉሙርቁያ፥ ታ ዲዛ ናሽካ ዔፖኖቶስም «ኮሺዳ?» ጋዓኔ፤ ጎውዋቴ። 6 ዲንህህም ሚርጌና ላቤ ማይራምማኦ «ኮሺዳ?» ጌዔኔ፤ ጎውዋቴ። 7 ሃሃ ታኦና ዋላ ቱኡቴዘንህንታ ያኦሲ ማደም ዳከንቴዘንህ ባኦካ ዔርቴያ ዓይሁዴ ማዔ፥ ታ ዲጊኖንህ፥ ዓንዲርኒቆሴና ዩኒያሴናም «ኮሺዳ?» ጎውዋቴ። ዔያታ ኪሪስቶስ ጉሙርቁያና ታና ቢራያኬ።

8 ጎዳ ሱንያና ታ ናሽካ ዓንፒሊያቶስማኦ «ኮሺዳ?» ጌዔኔ፤ ጎውዋቴ። 9 ኪሪስቶስ ማደ ማዲያና ኦኡና ዋላ ፔቴ ማዔ፥ ዑርባኖሴና ታኦኒ ናሽካ፥ ዲሰፃኩሴናም «ኮሺዳ?» ጋዓኔ፤ ጎውዋቴ። 10 ኪሪስቶስ ዲ ጉሙርቃህ ዛጊንቲ ዔርቴም «ጎኔኬ» ጌይንቴ፥ ዓፒሊሴም ሃሃ ዓርፄቡሎስ ማኦር ዓሳፓ ማዔዘንህማ «ኮሺዳ?» ጌዔኔ፤ ጎውዋቴ። 11 ዓይሁዴ ዓሲ ማዔ፥ ታ ዲጊናህ ሄርዲዮኔም፤ ሃሃ ጎዳ ጉሙርቃ ናርሴሴ ማኦር ዓሳማኦ «ኮሺዳ?» ጌዔኔ፤ ጎውዋቴ።

12 ጎዳ ማደ ማዲ ላባ ቲሩፓይኖና ቲሩፖሶ ጌይንታ ላኦሎንህም፤ ሃሃ ሚርጌና ላቢ ማደ፥ ኪሪስቶስ ሱንያና ታ ናሽካ ፒሪሲሳ ጎያዜሎም «ኮሺዳ?» ጌዔኔ፤ ጎውዋቴ። 13 ጎዳ ማደ ማዲያና ዔርቴ ሩፖሴም ሃሃ ታና ፔናጉዲ ማሂ ናሽካ ዲዛኮ ዲንደማኦ «ኮሺዳ?» ጌዔኔ፤ ጎውዋቴ። 14 ዓሰኪራቶሴና ፒሌጎያኔናም፥ ሄርሜሴም፥ ፓትሮባሴም፥ ሄርማሴም ሃሃ ዔያቶና ዋላ ዓኦ ኪሪስቶስ ጉሙርቃ ዲሾንህንታ ሚሾንህንታም «ኮሺዳ?» ጌዔኔ፤ ጎውዋቴ። 15 ፒሎጎሴም፥ ዩሊያም፥ ኔሪያና ዲዛኮ ጌርናም ሃሃ ያሎምሴና ዲዛና ዋላ ዓኦ ኪሪስቶስ ጉሙርቃዘንህም ቢያ «ኮሺዳ?» ጌዔኔ፤ ጎውዋቴ።

16 ዋሊኮ ጌርሲንህንታዲ፥ ናሹሞና ዋሊ ሄርቂ ዔኤሊንቴዋቴ። ኪሪስቶስ ጉሙርቃ ሺኢጲያ ማኦር ዓሳ ቢያ ዲንህህ «ኮሺዳ?» ጋዓኔ።

16:3 16:3 ዳኪ ማደ 18:2። 16:13 16:13 ማር. 15:21።

ጳውሎስኮ ጋፒንያ ዞር

17 ታ ዲሾንሦ! ታ ሚሾንሦ! ዲንሢኮ ባኣካ ዲንሢ ዲማሳያና ዲንሢ ኪሪስቶስ ጉሙርቂያና ደዲዋጉዲ ማሃ ዓሰይዲፓ ዲንሢና ካፑዋቲ፤ ዲንሢ ዋይዚ ዔኬ ዔራቶ ዔያታ ዲፃያ ማዔሢሮ ዔያቶይዲፓ ደማዲዋቲ። 18 ዩያጉዴ ዓሳ ፔኤኮ ፑርቶ ማሊያ ኩንሣያኬ፤ ኑ ጎዳሢ ኪሪስቶስም ማዲያቲዋሴ፤ ዔያታ ኮሺ ጌሰታያ ማሊ፡ ጌሺሢ ሃይሴና ዒና ሂሎ ማዔ፡ ኮዡ ዓሰ ጌሻኔ።

19 ዲንሢ ኮዡ ሃይሶ ዋይዚ ዔኬ ዓይሢንታያ ማዔሢ ዓሳ ቢያ ዔራሢሮ ታና ኮሺ ዋዛሳኔ። ጋዓንቲ ኮሺ ባኣዚም ጨንጫ፤ ፑርታ ባኣዚም ጋዓንቲ ዔኤቢ ዔራዋ ዓሰ ዲንሢ ማዓንዳጉዲ ታ ኮዔኔ።

20 ዲንሢ ዩያይዴቲ ኮሹዋ ዲንጋ ያኣዛሢ ፃላሄ ዲንሢኮ ቶኮ ዴማ ዓጊ ሄርቂ ዳኣፃንዳኔ።

ጎዳ ዩሱስ ኪሪስቶስኮ ኮሹዋ ዲንጊፃ ዲንሢና ማዖንጎ።

21 ታኣና ዋላ ማዳ ሂሞቲዋሴንታ ኑ ዜርዖ፡ ዓይሁዴ ማዔ፡ ሉቁዮሴንታ ዒያሱኔንታ ዩያጉዲ ሃሣ ሶስጳዒሮሴያ «ኮሺዳ?» ዲንሢ ጋዓኔ።

22 ሃያ ኪኢቶ ፃኣፓሢ፡ ታኣኒ ፃፃሪዮሴያ ጎዳ ሱንዖና ዲንሢ «ኮሺዳ?» ጋዓኔ።

23 ታና ሃሣ ሾኑቸንሣሢና ሃይካ ዓኣ ኪሪስቶስ ጉሙርቂ ዓሰዋ ፔ ማኣሮይዳ ቡኪ ሺኢቃንዳጉዲ ማሃ፡ ጋይዮሴንታ ሃሮ ካታሜሎኮ ሚኢሾ ዓርቃያ ማዔ፡ ዔራሰዖሴንታ ኑ ዲሻሢ ቁዋርዖሴንታ ዲንሢ «ኮሺዳ?» ጋዓኔ። 24 ጎዳ ዩሱስ ኪሪስቶስኮ ኮሹዋ ዲንጊፃ ዲንሢ ቢያሢም ማዖንጎ፤ ዓኣሜን።

ጳውሎስኮ ጋላቶ ሺኢጳያ

25 ዓካሪ ያኦሲም ጋላታ ሄሎንጎ! ሚርጌ ሉዔ ዓኣሺንቲ ዓኣያ ሃሢ ታኣኒ ዩሱስ ኪሪስቶስ ዛሎ ኬኤዛ፡ ኮዡ ሃይሶና ፔጋዴ ጎኑሞና ደዲ ዲንሢ ዔቃንዳጉዲ ያኦሲ ዲንሢ ማሃኒ ዳንዳዓኔ። 26 ሃሢ ጋዓንቲ ዩይ ጎኑማ ያኦሲ ማሊያ ኬኤዛ ዓሰ ማፃኣፖ ዛሎና ፔጋዲ ጴዴኔ፤ ቢያሢ ጉሙርቂ ዓይሢንታንዳጉዲ ናንጊና ናንጋ ያኣዛሢ ዓይሢም ዴሪ ቢያ ዔራንዳጉዲ ዩይ ማዲንቲኔ፤

27 ዒዚ ለሊ ዔራ ማዔ፡ ፔቲ ያኣዛሢም ዩሱስ ኪሪስቶስ ዛሎና ናንጊና ቦንቾ ማዖንጎ! ዓኣሜን።

16:21 16:21 ዳኪ. ማዶ 16:1። 16:23 16:23 ዳኪ. ማዶ 19:29፤ 1ቆሮ. 1:14፤ 2ፃሞ. 4:20።

XXXV

ጌሌዥ ማግኒት

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኒት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929